

宋

文

鑑

卷

一

宋文鑑

宋文鑑卷第一

朝奉郎行秘書省著作佐郎兼直學士院編修兼禮部郎官直學士

賦

聖日銓次

五鳳樓賦

藉田賦

端居賦

大蒐賦

洞庭賦

矮松賦

聲賦

春雪賦

君可思賦

梁 周翰

王 禹偁

种 放

丁 謂

夏 侯嘉正

王 曾

張 詠

錢 惟演

揚 億

伊京師之權輿也。設哉。幾乎。險河圖之象。按輿地之書。宅禹貢。豫州之域。距天文辰馬之墟。因四履建侯之地。爲大代興王之居。城浚而都。派河而渠。結坤之絡。振乾之樞。星臺櫺塔。我民之廬。海漕山廩。我田之租。勢雄跨胡氣。王吞吳。茫茫萬國。魚貫而趨。惟聖皇之受命。應期運而隆符。光潛躍於龍德。踐元亨於帝衢。道德何師。尊盧赫胥。指讓何比。陶唐有虞。英略神武。威憚八區。封豕必誅。長鯨盡剝。虎皮包刀。鳩板搜儒。墜典皆索。闕政咸鋪。成天下之大務。若甕。奮而風驅。乃顧京室。時行聖謨。陋宸極之非制。稽紫垣之舊圖。且曰。不壯不麗。豈傳萬世。禹之卑宮。蓋勿暇之計。堯之茅茨。非經久之制。矧象魏之縣法。伊億兆之所視。况我力如天。我貲如地。不

漁爾民。不牟爾利。一毫之費。差足爲易。乃詔共工。度景之中。因舊謀新。斥徒僑功。臺卑者豐。棟易而隆。椽斷而龍。去地百丈。在天半空。五鳳翹翼。若鵬運風。雙龍蟠首。若鼉載宮。丹楯霞繞。神光何融。朱楹虹植。晴文始烘。繡楣焜燿。彫栱玲瓏。椒壁塗赭。綺窻暈紅。雙闕偶立。突然如峯。平見千里。深映九重。奔星墜而交觸。靈景互而相逢。門呀洞缺。若天之裂。縱舉百武。橫駕六轍。金鋪爍人光。景明。威舞陽之力。莫得而排。叔梁之力。胡可以抉。其下則冠蓋葳蕤。劍佩陸離。車如流水。待漏而馳。駕肩排踵。兼蠻渾夷。萬衆紛錯。魚龍尊卑。咸去來之。由此競奔。湊於玉墀。曾皇風之無外。豈朝盈之有時。三事庶尹。乃拜表。蕭牆謁帝。未央以落。大壯登訶。永昌曰。元聖明兮。帝道昌。威四海兮。君萬方。時高闕兮。冠百常。

赫 宋德兮垂無疆瞻天顏兮獻壽觴願君王兮長樂
康帝曰俞哉爾觴且置當聽朕言朕曉朕意頃於戎馬
之暇詳窺歷代之紀不知乎夏德之衰璇室自底商政
之壞傾宮大侈楚王章華一身何寄秦皇阿房三世而
棄漢武栢梁孽火隨熾陳后三閣義師尋至豈非乎禍
生於漸欲起於恣亦如崇飲不已必至昏醉嗜色不已
必至乏瘁遷怒不已必絕人祀窮兵不已必暴人齒甘
諛不已必杜忠義溺讒不已必斥賢智亡國之君未嘗
不爾朕皆知之得以趨避淫於土木雅不如是美其成
功良以為愧不舉君觴恐驕朕志其大者天地所重者
神器尾虎足水終日惴惴當共重之勿使顛墜謹謝公
卿無忘納誨群臣乃退咸呼萬歲

籍田賦

王

禹備

臣謹按周制天子春三月天子親載耒耜
地山川社稷先王醴醑樂盛于是乎
周德下衰禮文成缺故宣王之時有
朝鮮克由禮漢祖龍興日不暇洽
昭帝弄田亦其義也後漢永平中明
非古制焉魏氏親耕闕百官之禮蓋
之年略修墜典宋文元嘉之代亦舉
辰梁以建郊之月後魏北齊公華有
可觀太宗行之于前明皇繼之于後
行將煥先農必待直主 皇家享國一
統十四年武功已成文王已定乃下
執悅隨三農知勸官紳士蹈舞而
詠而供職方拾遺直史館王禹偁再
拜而賜言曰耕籍
籍田所以事天
之恭之至也自
公之諫秦皇定
孝景始復行焉
東巡耕于懷縣
丁創爾晉武太始
日章齊用丁亥之
其隋朝唐室文物
日茲已降廢而不
一十載 陛下嗣
明詔耕于東郊百
早儀甸帥嗇夫詩
籍

之義大矣哉千畝之田三推之禮所以教諸侯而事上帝率人力而成歲功實邦國之彛章安仁賦之于晉岑文本頌之于唐今矣神功帝業煥其有光宜暢頌聲以播樂府謹上籍田賦一章雖不足形容盛德亦小臣勤奉之至也其詞曰十四年兮帝業遐宣寰區晏然乃順考於古道將躬耕乎籍田務本勸農稽前文而備矣事神教養舉墜典以行焉萬國歡心而擇擇百官供職以上慶虞草儀注於有司議公革於遠編築壇墀之三陛開門陌之百廩文物聲明合禮經而有度旌旗衣服應方已而不銜既而屆孟春擇元日太史先奏天子將出是日也適人徇路星中律當東郊之迎春是東作之平秋皇帝於是即齋宮辭帝室戒錫青路以有威儼朱紘而

無逸佩乎玉也懸菽之色蒼蒼載其旂焉千呂之雲鬱屬車負播殖之器後宮獻種柱之實紅糜黛報服葱摵以陸離縹軹紺轅駕蒼龍而颯歛太常之禮具舉司農之屬各率甸師掌舍警御陌以惟嚴封人野廬設遺宮而靡失于國之東千官景從口風清塵而習習雨洒道以濛濛時也木德盛陽氣充春廿七甲坼青青兮葱葱春土脉起油油兮溶溶冠蓋蔽野珮環咽風狀浮雲兮隨應龍旂幟張日車徒塞空若眾星兮環紫宮修農事以揚揚襲春服之重重爾乃配少皞于祠先農尸祝無媿豆籩以供太牢之牲薦之而肥膾太族之樂奏之而春容于是脩帝籍勞聖躬撫御耦以無怠履游場而有蹤將循乎千里之制豈止乎數步之中耕鉤盾之弄田但矜兒戲脩建康之春籍未煥農功有以見萬乘之尊三推

而舍或五或九降殺之義有倫爾公爾侯貴賤之班相
亞嗇夫灑種以斯畢庶人終畝而告罷千耦其耕煥乎
禮成播百穀兮率人力調載芟兮揚頌聲將見乎餘糧
棲畝腐粟如京神倉令納乎黍稷以備粢盛虞氏收
其藁藉用餉犧牲親畝兮化被重民天而教行自得
訓農之實非貪慕古之名然後下青壇歸絳闕百姓知
勸羣后咸謁在鎬之宴啓詞虞之音發獻萬壽兮權乎
奏九韶兮鏗越開三百以行惠宥五刑而審罰恩流於
孝悌力田德被於雕題辨髮興五土之利固必躬而必
親同三代之風復不矜而不伐大矣哉籍田之禮豈三
年而不為躬耕之義將百代而可知我所以舉久廢之
禮定不刊之儀慮弗勤於四體將有害於三時務農祭
兮為政本興禮節兮崇教資民乃力穡歲無阻饑神農

斷木之功我其申矣后稷播時之利我得兼之供拒也
以斯在介豐年而有期丕顯事天之禮誕謌初社之詩
祀山川兮神鑒明矣配祖考兮德馨遠而永錫純嘏用
光孝思乃作頌曰倬彼東郊公曰是闢大君矣止言耕
其籍帝籍既脩乃及公侯親爾來報勤爾田疇言采黍
稷祀于圓丘億萬斯年以承天休又曰倬彼東郊耕壇
其崇大君矣止言訓其農農功既督乃知榮辱爾家以
給爾人以足言奉烝嘗遍于比屋億萬斯年以介景福

端居賦

神放

子嘗闔扉而居不樂他游未嘗以一詞朝于公侯以借
浮譽門外苔封草織非知己之深者無一造其居或罪
子曰嗟乎明逸上有明天子賢執事子獨貧且賤恥也
又易稱君子以貞凶子其有是乎予退而作端居賦

山鳥寂寂梧陰晝碧窮居退夫耿然不憚精神沮而猶
洋洋履履而跋踏類沈酣而未醒豈執迷而莫析固貽
譏於獨善尚多言而自釋鯨鵬雖大無風波而何益胡
粵萬里捨舟車而奚適在聖賢雖有志于下民孰能無
位而立辟况予才不迨於往哲名器敢期於苟得在得
喪不忘於明聖顛沛必思於正自終皮弁以自守惡鷗
冠以假飾進不妄而嗜嗜退不怨而戚戚故孟軻有言
雖有鎡基不炊逢乎有年顏氏幾聖樂在陋巷亦將育
乎令德茲窮通之自信匪古令之可尤顧竊位而擇肉
兮予誠自羞寧守道而食芹兮中心日休予將息萬競
消百憂養浩氣於蓬茅之下飲清源於淵默之流侶鸞
鳴兮雲霓之表終焉泯衆議之吹歌

大蒐賦

丁

謂

司馬相如揚雄以賦名漢朝後之學者多規範焉欲其
克肖以至等句讀龍徵引言語陳熟無有已出觀子虛
長楊之作皆遠取傍索靈竒瑰怪之物以壯大其體勢
撮其辭彩筆力恢然飛動今古而出入天地者無幾然
皆人君敗度之事又於典正頗遠 今國家大蒐行曠
古之禮辭人文士不宜無詞詠故作大蒐賦其事實本
之於周官歷代沿革制度參用之以取其麗則竒言逸
辭皆得之於心相如子雲之語無一似近者彼以好樂
而諷之此以勤禮而頌之宜乎與二子不類辭曰仲冬
天子嚴祀事咨神祐停農隙謹蒐狩謹教本稽典舊禮
容左右武事前後等尊第甲上長下幼人民豐濃物色
繁富蓋亦闕軍實於介冑非徒恣遊畋於禽獸者哉前
期命虞人以采葍倉麥擁遏草木隸結原隰啟闕視軍

衆寡度地本末高表四立坦場中豁限田防而蘭織志
轅門而旌揭青龍白虎護乎行在之所左宰右畢分
張乎侍衛之列風蕭蕭而野鳴雲陰陰而書結麋鹿復
狽以投林狐狸跟哈而遷穴由是司馬舉職羣吏咸秩
各有司存皆給名物備小駕而六龍集開武庫而五兵
出轆車金玉旂章日月戟牙刺舉旄頭雪密畫畫充於
旆顛匣干將於劍室騾駃爰貼以負輓驢駃徘徊而轉
軼召飲飛以前導命玄武而殿卒目恍羅列神警毘櫛
師勅戰法帥董戎律始建旗以誓衆亦斬牲而成失所
敗之野備物咸畢外事尚剛戎日惟吉上乃乘七騶
擁六軍白旄方下於北極黃纛已舉於應門服章天地
車駕風雲日隨月侍嶽走川奔列缺牧聲而聽躡豐隆
鼓力以扶輪豕仗乎八百諸侯殿呼乎七十二君煙霞

錯雜以垂地河漢顛倒而失源靈祗懼慄恠物騰騫
帝蒼黃而廢職元冥寂以閃以馳魂儼方離於大內盛已
列於平原馮表去已也四技而前地陣翼張虎賁環而鼓
以三闕圍不四合律戎索以濟濟飭軍威而燁燁鑼再
振而鏘再鳴弓斯張而矢斯挾爾乃驅百獸當一人弓
丁操斬轅之弧奉御羅氏設商湯之網擁羣龍罷之瓜
距摧折虎豹之心肝分裂射必三獸發則五犯甕逆毛
羽星鱗角牙肉墮有丁之刃血濺曾陽之戈諸侯卒事
以儼雅百姓突圍而交加上方發綏以慘愴衆乃靡
旗而誼譁圍開一方燭盡殺也捨順取逆彰懷來也出
表不顧恥逐奔也卒列三殺青宗廟也得匪上以顯孝
思下以不憚乎身之肉不登器者無取猶虎之士罔
用命者有誅豈言進退於鉞鼓習威儀於卒徒戎事同鑿

輅廻軍聲振而萬國聳立天仗指而九門洞開郊饁獸
而禮之勤也廟獻禽而神其享哉以勞飲至以祀策勳
刑必加於共乘爵乃及乎衆尊是則一曰異天物不
曰教民戰于以辯名號而訓仁義于以明文章而明貴
賤也下臣竊詳三代之書願究二王之典大闕之制昭
然義見軍旅之事闕教則失利祭焉之制非理則不獻
施信賞率怠倦使夫民知方兵戰焉之義若二蒐畋而敦
大歡也後之王者反禮叛經荒淫放蕩蕩情借如
漢武於古詳明博搜聖書廣召文英講評謨訓華飾聲
明凡曰大樂闕焉不行乃窮改極猶誇國耀兵隔蜀羅
設跨秦戈橫舞郊大死猶狹愁聲以至欺猛狂而手格
喜暴惡以力爭豈殘忍之足取唯豪勇之所京丁垂歷
代不能變更魏晉而下離合衰瀛咸局促以僅守曷禮

樂之能興粵抵李唐時惟
王大畋之義猶或廢亡者
動必法度舉皆故常緝熾
焉而五帝肅肅享焉而古
十有三年躬耕籍田心以
乎馳騁斥帝徹警曠乎袖
日月無以示謹而戒愆甘
稷蠲總治本操化源措重
心無自入焉下臣以謂十
陛下行于今茲中間數十
之士脩崇禮儀封禪之儀
於堯舜文武之書臣寧以
詞盛禮也俾千古知至法
會昌彼文明二帝實驅馳百
若 陛下自膺寶命臨萬方
軒之絕緒新姬孔之舊章郊
神洋洋九年三月升于絳壇
民本事由禮先謫王滿嗜慾
仙故天地不能藏祥而祕瑞
露降而區宇澤景星燭而氛
靈寂爾存神泊然是以發狂之
蒐之典周公制於往古
餘祀咸杳昧而不知彼唐漢
誕明堂之說奇此數事不詳
狂斐而陳諸所以賦大蒐而
之蒐蒐

洞庭賦

夏侯嘉正

楚之南有水曰洞庭環世而五郡森不知其幾百里臣乙酉夏使岳陽抵湖上思此賦明目披襟而觀之則翼然動足然跂慄然駭愕然如恍若駕春雪而載霓浩若浮汗漫而朝躋退若據太山之安進若履下甸之危惜若無識智若通微跛若不在何踰若將馳耳不及掩目不暇逃情悻心嬉二三日而後神始宅氣始正若此不敢以賦為事者二年然眷養不已一日登崇丘望大澤有雲萃兮興歎兮止興止去處齊忽若有遇由是漬陽輝沐芳澤觀一異人于巖之陔隘段為裾雲為袂冰膚零肌金珎玉佩浮立羨門斯實其至因言曰若非好辭者也臣曰然然則若智有所不通識有所不窮用不通不窮而循乎無端之紀若得無於臣又曰然然至極則物應思

精則道來嘉若之勤無遺呼無談吾為若稱云太極之生曰地曰天中含五精五精則為江兮遠則為河積前洞庭者傑立而孤廓然無區其大無徒含陽宇陰元神之都曖曖昧昧百川不敢逾有若神者有若賓者有若僕者有若子者有若附庸者有若娣姒者有若禹會塗山武巡牧野千出百合日咸處麾下每六合澄靜中流迴睨莽莽蒼蒼纖霞不礙羽太陽望舒出沒其間萬頃咸沸疆而名之為巨澤為巨川為水府為太淵縱之不踰臨之不卑乍若賢人以垂自持誘之不前犯之愈堅又若良將以謀乎邊澎澎瀉瀉又若混沌凝然未鑿此乃方仁義沖沖漠漠二氣交和又若溟涬凝然未鑿此乃方輿之心曾溟海之郭郭山三代之前其氣濛濛浩浩滔

天與物迴薄滅木襄陵血澤無廓上帝降鑒巨人斯作
乃命玄夷授禹之機隧堙谷滌源暢微然後若金在
鎔若木在工流精成器何不通是澤之設允執厥中
既異其性遂得其正有降有動有靜臣應之曰升
降動靜可得聞乎神曰水之性非圓非方非柔非剛非
直非曲非玄非黃劃象必四坎本乎義皇外婉而周內健
而彰降以始始升以復其靜處陰其動隨陽六府之
甲萬化之綱式觀是澤乃知天常若乃四序之變九夏
收處烘然而炎沸然而若羣物鴻洞爍為隆暑澤之作
頽然其容若去若住若吐靈趨恠觀香不可覩蒸
之為雲散之為雨倏忽象如還太古真可嘉也若乃
秋之為神素氣清泚肅肅而脩脩羣籟四起澤之動黝然
其姿若挺若倚若行若巽宮離離為之騰風蒼梧崇

崇為之供雲四顧一色黝然氤氳其聲瀟瀟若商非商
若微非微東溟海門一浪五千里又足畏也言其狀則
石然而骨岸然而草氣然而榮降坳江然而脉有山而
心有洞而腹有玉而體有珠而目穹鼻孤島呀口萬谷
臂帶三吳足跬荆巫或跋然而望或翼然如趨彭蠡震
澤詎可云乎臣又問曰澤之態已聞命矣水之族將如
何居神曰大道變易或文或質沉潛自遂其類非一或
被甲而遭或曳裙而牙或禿而跋或角而蜿或吞而呀
或啞而牙或心以之蟹或脩以之暇或脩臂而立或橫
驚而疾或髮於首或髯於肘或儼而莊或毅而黝彪彪
玢玢若太虛之含萬彙各備其生而合乎羣者也臣又
問曰若神之資其品何如也神曰清矣靜矣麗矣至矣
邈難知矣肇于古古有所未達形于今今有所未察非

希非夷合其心於自然然後上天入地把三根六况水
居陸處夫何不燭彼鯨鯉之賢鱗龍之仙乃吾之肩也
其餘海若天吳陽侯神霄颯颯而遊曾不我儔臣又問
曰易稱王公設險是澤之險可以為固而歷代興衰其
義安取神曰天道以順不以逆地道以謙不以盈故治
理之世建仁為旌聚心為誠而弧不暇弦矛不暇鋒四
海以之而大同何必持險阻何必據要衝若秦得百二
而帝齊得十二而王而山為金其水為湯守之不義歟
然而亡水不在大恃之者敗水不在微怙之者危若漢
疲於昆明樂困於酒池亦其類也故黃帝張樂而與三
苗棄義而傾則知洞庭之波以仁不以亂以道不以賊
惟賢者觀之而後得也於是盤旋徙倚凝精流視整以
辭對倏然而晦

矮松賦

王曾

齊城西南隅矮松園自昔之間館北邦之勝槩二松對
植卑枝四出高不倍尋周且百尺輪囷偃亞觀者駭目
蓋莫知其年紀亦靡記夫本源真造化奇詭之絕品也
曾咸平中忝鄉薦登甲科蒙被寵靈踐歷清顯幾三十
載前歲秋始罷家司出守青社下車之後省閭里訪故
舊則曩之耆耄悉淪逝童冠皆百壯老邑居風物觸目遷
變惟彼珍樹依然故態竊謂且心松也匪獨以後凋克固
歲寒抑由擁腫支離不為世用故能宅茲阜壤免於斤
斧向若負構厦之材竦凌雲之幹將為梁棟戕伐無
餘又安得保其天年全其生理哉感物興歎聊為賦云
惟中齊之舊國乃東夏之輿區有園游之勝致直廛閑
之坤隅偉茂松之竊植軼衆木而特殊上輪囷以天矯

旁翳蒼蒼而紛敷，廣庭廡之可蔽。高尋常之不踰，枝擁闕
兮橫亘，根蹙縮兮盤紆。徒觀其前瞻林嶺，却枕康衢。宅
寶勢兮葱鬱，據右地兮膏腴。類蟠螭兮蜈蚣，訝騰倚兮
虎驅。將挈攫兮未奮，忽伏窺兮爭趨。色闐鮮兮欲滴，形
詭俗兮難圖。遠而望之蔚兮若搏鵬，之出滄海。迫而察
之黠兮若方輿，之承寶蓋。蠹洞口之歸雲，堆崑阿之宿
靄。談揮塵兮何多，被集翠兮增汰。度朔吹兮颺颺，含陽
暉兮曉曉。吾不知其幾千歲，起毫末而頭大。昔去里兮
離邦，攀綠條兮彷徨。今剖符兮臨郡，識奇樹兮青蒼。林
光景兮端邁，嘉歲寒兮益彰。葉鈇鈇兮不改，情眷眷兮
難忘。異古人之歎柳，協予志之慕桑。信矣夫卑以自牧，
終然允臧。效先哲之俯儂，法幽經之伏藏。願跼影於澗
底，厭爭榮於豫章。鄙直木兮先伏，懼秀林兮見傷。幸高

梧之垂蔭，愧脩竹之聯芳。爲下迷於枳棘，鷄每悞於榆
枋。媿周雅之踏地，符義易之巽牀。旣交讓以屈節，復善
下而同方。自儲精於其實，不受命於繁霜。客有系而稱
曰：林之良兮梓匠之攸貴，生之全兮蒙莊之所美。苟入
用於鈎繩，寧委跡於塵滓。俾其天性而稱珍，曷若存身
而受祉。紛異趣兮誰與歸，當去彼而取此。

聲賦

張

詠

聲賦之作，豈拘模限韻。春雷秋蟲之爲事也，蓋取諸聲
成之文。王化之本，苟一所補，不愧空言。爾賦曰：
罔象迷冥，冥大人忽生混沌。初發呀然，震鷲儀吐形。萬靈吐英，天
機動制軋。而爲聲，故形有美惡焉。聲有小大焉。伊物類
之動作，俟人事而克全。至于大雷隱空，萬竅吼風。不爲
之隆品，物磨臬羽。足動發不爲之末末，若人聲與天通。

功與物長雄口吻之啓出於厥躬道機之張騰凌鴻濛其所聞者義昔唐虞繼踵而至宇宙隘其神造化侔其智在聲之偉也得不得天而動地觀其得一之發清清冷冷涼寰洗瀛萬類聽之如懵而醒仁信之發溶溶弈弈呼道振德萬類聽之如日破黑曰禮曰義相迭而起鳴孝響悌駭心清耳萬類聽之如愁得喜廣成五老聞而啓齒曰是何帝皇之聲也如此九道交訛華夷和歌蠢動鼻息歡哈寔多其在物也昭昭融融萬緣和同萬籟響空答天之功其在人也萬心氣平萬口宣騰雲門六英荅君之聲故知五音八聲聲之技歟金石絲竹聲之器歟若本不正而詘耳不清何嘗動天地泣鬼神而有諸三五迭生異業同韻耳唱古寡應呼今得精義事以之繁會時風爲之勁清此下禮者有周旋之矩制樂者有大

武之名故聖人之音鉦如鏘金聖人之治潺如流水加以商辛夏癸行無輟軌情慾沸空淫娃盈耳民不知告政聲遂毀幽厲縱作心胡可度唱僻者輕脫和僞者交錯鼓鉦之響日馳禮美我之風日薄王道民政潰然投壑攻乎亡國之音聚爲終身之樂秦恠一聲天搖地坑烘赫火烈荒茫海傾阿房輦材抉泉山迴紫塞築壘旬轟震雷鉗聖愚儒四海睽孤刮剝亡命痛腦連脛于是民失其業怨口喋喋野薄其農荆榛颺風刑失其矩民哀無所兵革填委死爲怨鬼故怨之爲氣也散爲罽塵積爲屯雲閉鬱六合陽靈不曠怨之爲聲也烈風相倚怒濤兼起鬼哭於郊神號於市川谷爲之鬪擊山巒以之崩圯陳吳一呼而宗社瓦毀天窮地終醜聲不已洎于漢唐惟高與光太宗纘堯開元嗣皇智冠絕古氣凌昊



原件短缺

蒼倚天憑怒即動盪於八荒按劍大呼即交映於中方
借力者黎獻助聲者賢良亦不能廣仁義於迺奏使道
德之激揚掩商秦之餘韻系唐虞之聲芳者也未若我
后凝神定思誠求理致與聖作則為難於易惟禮是崇
惟仁是嗜叩乎杳冥清靜以聽聞古謬惑皇心不平於以
忠良是旌息嗟吁之聲不肖是黜息濫謬之聲均物惻
隱息哀怨之聲厚施薄斂息流亡之聲四人是別息澆
競之聲狂狷是理息冤枉之聲道德是守息兵革之聲
人勞是恤息厭斷之聲小人是遠息邪佞之聲正音是
奏息愆懲之聲奇哉壯矣堯嗟舜驚致章漢之調下覺
唐堯之頌輕浩浩蕩蕩無得行而名異聲之龍表也揚溢昭
灼上賢下愚既歡且譁鳥獸跄跄踴躍信千載之
一時與有生而同樂余欲引聲而作未知何若

沼對翼一極堯文載一禹律惟精荷紫囊而舐筆兮從

單于之一兵霜颯刮一流塵滿纓自此研精藻翰局景

天高亭一鷄管香消一綾縮凋屋憤心懸問鈴矧乃郢

坊酒醇一武都泥紫版一鵠頭書詳馬尾石屋紉書鴻都

約一史攬披闕遺發明一紀竊企跡於前修度同風於古

始慮罔越思身亦勤止一宣漢德於無窮納舜韶於羨羨

志本勿矜言乎有憑非一施勞而伐善豈揚已而害能每

燥吻而躑躅屢撫心而一并營激談泉而載涸鼓思風而

弗興感外邪而違癘殆一旦日之沈冥悵官事之孰了汨

勞府而囊寧豈望夫連一以之報豈愛乎畫餅之名羌民

生之朴忠希在昔之遐一思不出位罔貪天功慕臺駘

之業官肯有二事念一犁田之辭當愈激厥哀庶克終於

雅尚聊有埤於素風一柰何應心昌熾錦三書斐蠅夢

以交亂犬信信而迎吠賢登朝而共嫉女入門而各媚
乍緝緝以翩翩競身翕而訛訛結合隱邪締造疑似俾
朕師之震驚恣星箕之華哆幸大度之不校專巧言而
縱毀胡能傷君德之巍巍徒以動賢心之惴惴然後飾
衛鶴之華軒銜黔驢之短柱以竊名器以宴居絕上下之
愧畏俟貫惡之既盈將幽此而共棄若夫粹穆東房奚
望清先定心服物偉量包並凡耿求賢兮不及慎乃憲而
惟康延登體貌義問覃詳伊蓬心之受惠憐橘性之有
常寘之近署米其寸長遇中一見察浸潤無傷犯四林而
多怨緩千編而不遑丁寧一札在宥一章踐丹塗而乃
眷宴華林而醕觴動羣倫之贊羨曷丹心之弭忘盛憲
多憂長卿沉疾退迹東岡之陵舉首長安之日色變愁
鬢謔消病骨周田食粟聊彌飯於數升江涇誅茅姑却

掃於一室豈不念悲哀作主 酬畝思君羈心藥若別緒
絲棼分嶠江一墨幸天畿之接 吟成周五出庶宰樹以參
雲感騷人之遺韻聊杆意於斯文

宋文鑑卷第一

宋文鑑卷第二

賦

皇畿賦

大圃賦

中園賦

明堂賦

皇畿賦

楊

劉

晏

范

楊

侃

筠

殊

仲淹

侃

有賦家者流欲馳名於當世思著詠於神州忽念前古
深懷景慕誦二京於張衡覽兩都於班固於是輟卷意
慙閣筆心伏讓而謂臣請書簡牘臣辭不獲已而謂之
曰子讀二子之賦而一兩漢都邑之制宮殿之麗而未
知大宋畿甸之美政化之昭也予幸得職採風謠官
參儒雅千里之郊折是巡八
辰之輶車斯假若夫大邑

名城神阜沃野畫地可記焉毫可爲至於宮禁之深嚴
子未聞也都城之浩穰衆所觀也是故彼述其內子言
其外蓋萬分之舉一難盡述而備載昔者唐綱不振國
鼎將遷俄梁室之革命政凌都而應天既觀法於左嶠
右隴亦取則於西澗東瀕大骨腴漢祖得之則齊楚之
天下之衝要謂大梁海內之敵敗亡相繼成就擒而即誅
敵敗亡相繼成就擒而即誅梁王守之則七國之師不
敢西向盡爲馘而爲俘實王氣之長在宜萬世而作都
也莫不廣封溝設險固襄平割宋之美田戴邑裂曹之
沃土滑分屬邑之二城陳城太康之萬戶潁川之鄆陵
扶溝滎陽之中牟陽武咸命落編民於州籍并地圖於
天府故得雄臨九州陋視三千萬古皇宋之受命也
太祖以神武獨斷太宗

以聖文誕敷平江表破蜀都下南越來東吳北定并汾
南取荆湖是故七國之雄軍諸侯之陪臣隨其王公與
其士民小者十郡之衆大者百州之人莫不去其鄉黨
率彼宗親盡徙家於上國何懷土之不聞甲第星羅比
屋鱗次坊無廣巷市不通騎於是出居王畿掛戶縣
籍興產樹業出賦供役者矣豈比夫秦選戶口於咸陽
漢徙豪傑於陵邑魏將實於河南驅異民而是入也今
聖上之在東宮也尊以皇儲尹茲京邑視政之初民訟
訟集莫不察之以情爲辯之以曲直發伏禁姦親刺繁
繁既而梓訪不爲豪右斂迹吏不敢欺民用懷德若乃
聖樓曉出奉法謹身教民以事父也親拜師傳降禮國
以老尊學與民爲則是時王畿之內易俗移風以至

正南面居域中由內及外化行今從是君上德惠素立
而正教早崇也若乃銳旅百營高城千雉孫武教陣吳
起撫士其齊如林其猛如虎手擊利劍足張疆弩躍馬
奔奔樂投石技距入則訓練出無征戰身閑賞厚家有餘
次是故擁彊兵衛近甸如大郡雄藩為屏為翰者且有
九縣燭厥城棘棘隲隲天設二渠曰蔡曰汴通
會海紫畿帶甸千倉是興萬更是建杜預主計劉晏
司漕何貢何輸吳粳楚稻日致百萬猶責其少漢之太
倉積粟紅腐使彼粒而計之未及哉斗量之數成王之
使萬箱以供未若我千艘往來運江淮而無窮是故備
九年之備充六軍之給當軍要山積雲入者復有五
邑陳臨淮平也若乃惣戎者貴領專城宰邑者上應
列星簿既資高尉亦秩清率兵守戍者五鎮隴

萬勝鎮皆置甲士防統臨分巡者兩路界東西兩路
守有使臣掌領之統臨分巡者兩路
仁城皇之外遊徽四布統臨分巡者兩路
護謂東西兩路郊原煦煦春草萋萋邊烽不
警牧馬爭嘶廐空萬櫪野散千蹄陂閑牧南隴
廣野多牧沙平走西沙平飲空川一齒空
原去如霧散來若雲連地宜馬多古未有焉若乃任土
出於民心獻芹比於古俗固加早實時菓先熟瓜重南
門筭宜脩竹囿於市芳利既兼倍進於君兮恩必霑沐
時或戴勝降桑螵蛸未鳴野人登麥以先至蠶婦貢絲
而已成別有襄陵之桃楊身之柿朱櫻宜於谷林丹杏
出於尉池其或陽鄉千樹之梨扶樂主樹之栗比封千
戶之侯亦何讓於昔日襄陵宜北鄉之羊野藜羹東邑
之豕魚鼈鳥鴈之盛西有陂之萬頃菱芡蓮藕之美東

沿堤号百里其或仲冬之月禮尚進鮮介麋素出於蓬
澤狡兔復多於梁園乃命萊田於虞人選徒於司馬四
校畢陳六飛風駕何千乘萬騎之馳騁滿四通五達之
郊野西或過於圃田之藪東或出於平臺之下乃有孟
賁之徒烏獲之類禮褐而來叱咤而至搏虎兕擊熊豕
玄豹逆曳白狐生致復有負羽從獵之人控弦伏獸之
士落孤鴈於馬首貫雙鷗於雲裏然猶示之以三驅之
仁寬之以一面之網不使獸殫丁於下禽盡於上何長揚
之獵自謂於禽多雲夢之畋敢誇其地廣哉圖書載詳
境土斯見開封則漢志之名品一今二赤之首冠祥符則
天書之降年易新名於舊縣一結之入斯爲近向若乃
百萬衆之分營十二市之環城囂然朝夕異彼郊坰其
東則有沐水之易宜春之苑向日而亭臺最麗迎郊而

氣候先暖鷺轉何早花開不晚瞻太一之清宮壯先朝
之命工構宇煙霞之外出俗囂塵之中效仙人之樓居
慕老氏之玄風青青道邊千畝何田端拱之初藉于此
焉儼耜一執青史千年登蓼隄以東望見高臺之百尺
居道之南在岡之北下有廣場可馳可逐我皇帝初
即寶位大閱軍旅親乘戎輅習戰于此士馬秋勁甲冑
晨整止憑軾以將觀衆無譁而是聽列八陣之形申三
令之語肅將帥嚴部伍頗牧授之以方略韓彭進之以
旗鼓失軍容者戮以徇衆有勇敢者賞而裂土彼上林
之馳射驪山之講武豈可同日而語哉其南則有崇崇
清壇肅肅齋宮卜是吉土龜從筮從永奉禋祀郊見昊
穹燔柴展禮萬世無窮別有景象仙島園名玉津珍果
獻夏竒花進春百亭千樹林間水濱珍禽貢芳何方怪

獸來兮何鄉郊藪既樂山林是忘則有麒麟含仁騶虞
知義神羊一角之祥靈犀三蹄之瑞狡狴來於天竺馴
象首於交趾孔雀翡翠白鸚素雉懷籠暮歸呼侶曉去
何毛羽之多奇整竹素而莫紀也忽斷苑牆又連池籞
介族千狀沙禽萬類盡游泳而往來或浮沈而出處柳
籠陰於四岸蓮飄香於十里屈曲溝畎高低稻畦越卒
執手吳牛行泥霜早刈速春心共種遲春紅粳而花綻籜
素粒而雪飛何江南之野景亦小輦下以如移雪擁冬苗
兩滋夏穗當新麥以時薦故津叩蹕而親至輦從千官郊
陳萬騎既觀穫以六罷亦宴壇而後已其西則有池鑿
金明波寒水殿鷓首萬艘而賦生浪虹橋一道而通輦大
液無濫湯之深靈沼有潢汗之淺時或薰風微扇晴瀾
始暖命樓船之將軍習昆明之水戰天子乃駐翠華

開廣宴凭欄檻於中流瞰渺世於四面俄而旗影霞亂
陣形星羅萬棹如風而條去千鼓似雷而忽過則有官
名欣飛將號伏波驤江中之龍避船下之戈黃頭既衆
文身之卒且多類虬龍而似蛟蜃駭鯨鯢而走鼉鼉勢
震動於山嶽聲沸騰於江河別有浮泛傀儡之戲雕刻
魚龍之質應樂鼓舞隨波出沒鑿輿臨賞以盡日士庶
縱觀而踰月波池之南有苑何大既瓊林而是名亦玉
輦而是待其或桂折天庭花開鳳城則必有聞喜之新
宴掩杏園之舊名於是連鑣上苑列席廣庭蓋我朝之
盛事為士流之殊榮一泓如飛通漕架虛越廣汴湍流
之上轉皇城西北之隅貫都注御溝之口轉漕通廣濟
之渠京索導源而于彼金水名河而在茲其北則瑞聖
新名含芳舊苑四方異花於是乎見百轉好鳥於是乎

聞十洲德景二島分春延廐之設是名天駟伐大宛以
新求涉渥洼而遠致群驅八騎隊數十驥雖輓粟之千
車乃嘗秣之一費彼沙臺之崔嵬聳佛刹之千尺岡阜
連延於西南原田平坦於東北何沙海之飛揚忽到此
而止息莫不地多賢士代出異人何干旄之子子向浚
郊而雲臻雖梁多於長者非安國而不聞過信陵之祠
宇想英風而若存何侯嬴之白首尚抱關於夷門遇公
子之好賢忽枉駕而咨詢既同載而過市謁隱屠而駐
輪果嘉謀之斯得救邯鄲而義伸奪晉鄙之十萬終自
將而却秦設守冢而奉祀值漢皇之東巡若乃過陳留
之故邑訪地名之所因蓋二留之分別彼彭城而此陳
昔赤帝之起義會子房而于此始錫賢於上天終受封
於茲地既萬戶以建侯亦千年而崇祀千屯北縣之郭

郭三月南河之鄆市何飛梁之新遷患橫舟之觸柱今
之雍丘古曰祀國民厚風俗上繁貨殖縣之西郊山曰
谷林其或花迎野望輝禁春深景當妍麗俗重登臨移
市景日傾城賞心帷幕蔽野軒蓋成陰暮而志歸樂不
絕音既同歡於萬室罔惜費於千金厥篚織文出於襄
邑池濯錦以為名蜀有江而焉及復有成平大縣
我宋新建因紀年以命號詔將作而營繕公宇之制甲
于畿甸中有大川通關帶闡貫都邑而北來走江湖而
南會何客棹之常喧聚茶商而斯在千舸朝空萬車夕
載西出王關北越紫塞微尉氏之名本大夫之邑蓋鄭
國之上田俾獄官而世襲何彼樂郊今為畿地爰有仁
木應乎嘉瑞二棠合生雙榆連理楓獨秀而通枝木異
類而同氣良宰畫圖而來聞大尹飛章而奏異莫不

陽武以北遇涉博浪之長
四邊人迷途而莫辨鳥投樹以何踪策不進兮我馬輪
欲埋兮何車過戶牖之名鄉乃曲逆之舊里何分社之
稱平已宰國而有志經計相之里中思張蒼之善筭屈
柱史以事秦榮列侯而佐漢宜二賢之靈祠歷千古而
輝燦西望河流經帶二邑高岸山立回灣箭急蟻壤夏
漏衝決莫救基根相扶萬柳千榆輿稍畚土常設備禦建
營置卒轉粟實度堅彼金隄鑿乎則古秋防夏扞守以
朝暮冬計春修役均編戶岸艤連航兵屯兩渡阻浩浩
之波扼憧憧之路北棹謳晨南帆落暮唯茲是防非利
是務右倚太行橫絕雲霧夫雍阻仁嶠之險洛邁九河
之固方之於是彼若平路過濮水之長渠經封國之舊
域家落兮桐罕之亭湮沒兮黃池之迹何昔也明旂重

重諸侯於此以會同
涉長垣之塗曆古衛
行嘉孔子之入蒲先
田而發運若乃南瞻
美號於兩鄉因東封
降于宮蒼丹頂未辨
象君道之體陽再而
而道盛於前王也如
室壯麗威四夷宋以
善此謂道而詠德乃
賦不敢復談于漢京
也京邑翼翼四方於此以取則
境城有婦姑之名人恭孝慈之
字以觀政美大家之東征復農
里北指蘭岡樹新文於二碑易
行幸感瑞應之非常忽有鳴喚
煙際玉羽已穿於仗旁九其數
符常運之重光何德動於上天
哉客既聞臣之說而知漢以官
畿甸風化正萬國彼尚後而務
使孟堅可作平子再生讀子之

大酺賦
臣謹按前志
王德布於天下而合聚飲食

大酺賦

劉 篤

馬鑿自...初典日...職給罰其合醪之會著于三尺
之法速乎孝文崇修...義賜酬之惠繇是流行况
我朝...德形容汪洋...謀固不可以寸毫尺素孟浪而
稱也且今所賦者但...海內豐盛兆庶歡康為負喧戲
并之比爾其辭曰聖...紹休兮三葉重光祥符薦祉兮
萬壽無疆昭景貺於...元之號還溥風於建德之鄉慶
無疆而不被俗無細...不康乃下明詔申舊章賜大酺
之五日洽歡心於庶...爾乃京邑翼翼四方是則通衢
上二兮砥平廣路三...兮繩直固不以列肆千里集民
乃億羣有司而先置...外養之百品有叙酒正之六物
震厥千步兮軒如布...於東西鳩集粹人校輪輿於南
不忒分命司市遷關...歡示深慈至惠之澤也於是二
北將以極瑰奇詭異...

月初吉春日載陽 皇
帝乃乘步輦出披香排飛閣歷
未央御南端之曉闕臨
車九九而並駕樓船西
旣象其武也則青龍
兮弗葦而航且觀六
麟鳳凰吞刀瑾瓊吐
擊兮右攬玄珠煥耀
列岫蔣蔣神赤垂寶
綃統而絳絲環環珮
蘭陵之王木父發機
化紛紛頡頏以別者
七盤之妍袖以九如
音變楚唄遂明羌琵琶
心而欲息後者疲癢而激昂舞以
之清商彈箏擗篳篥吹竽鼓簧南
巴出於胡部管鼓發於櫛任方響

遺銅磬之韻獨鼓闕
之新聲更揚洞簫參
今上奏而奚辨填虎相
盈耳洋洋而已哉又
樂府出其業於都廬
際視高組於坦塗俊
校微命於錙銖左廻
歎突倒投而將墜旋
叫呼脫去襟襟負集
餘歎對舞於索山跳
雜以投距投石衝狹
金丸疊中子皿光之石
峽者何以加諸復有
花之芳筵後之妙引初
上處燕筑慷慨兮在旁
而靡違信滿阮而滿谷
之技趨捷之徒籍其名
千險百尺力雄十夫望
取鷹隼巧過猿狙術多
能而自如亦有依僮赤
軀效山變之躑躅恃一
軀而爭趨偃仰拜起如
交擊猿騎分驅韓嫣之
五案者於斯盡矣香三
孟滑習淳于詠諧方朔
調

笑酒胡縱橫謔浪突梯
籊籊乃至角抵蹴踘分
也形如稿木誰謂乎狼
疆凌弱而猫鼠同育斯
目是時也都人士女農
乎兩觀之下舉袂兮連
而晶熒袂服靚裝藻縟
者競辭賦畝屠羊說或
兮巷無居人憧憧兮觀
乃抃舞於康莊終乃含
賣脯乘時射利鬻良雜
以兼贏咸滿志而自許
之設醢朗毫庶競相高

國家蕃富上下充足女有餘絲男有餘粟顧金土兮同
價興禮讓兮郁郁若天亡相茂族四姓良家蟬聯鼎盛
照耀繁華日結駟而連騎雖兩漢其寧加則又有菟裘
老臣道邁高尚乘下澤之車曳靈壽之杖爰誓首於堯
雲挹衢樽而無量鄉里俊造草澤英才覽德輝而狎至
觀國光而幸來顧鼎食之可取旨直野萃之謂哉羽林
戴鷩之夫期門仗飛之子龍羽獵於長楊投賓壺於諫
矢龔楚楚之衣裳喜交臂於塵里大矣哉惟堯舜之作
主兮盛德日新矧臯夔之爲佐兮嘉猷矢陳奏君臣相
悅之樂會比屋可封之民湛露未晞在藻之權允洽太宰
如享登臺之衆咸臻老五老以幼五口之幼不獨子其子
而親其親鰥寡孤悖兮各有所養蠻夷戎狄兮孰非我
臣粟帛之賜已厚牛酒之給仍均春醴惟醇炮炙薌芬

皓髮者駕肩而洩洩支離者攘臂而欣欣莫不含和而
吐氣蹈德而詠仁一之二之日樂且有儀三之四之日
不醉無歸五日兮饜飫斯極但見乎含哺而嬉介爾眉
壽和爾天倪非夫上聖之乾乾致治其孰能逸豫而歡
怡者哉敢爲系曰於鑠 我宋巍乎帝先創業垂統靜
直動專威烈既茂文德是宣謙而不宰讓之于天上帝
允荅靈貺昭然厥慶惟大庶民賴焉爰錫醕飲流惠周
旋有報如阜有酒如川既醉既飽無黨無偏體安舒兮
被堯日氣和樂兮暢薰絃祝聖祚兮揚純懿永延長兮
彌億年

中國賦

晏殊

在昔公儀身居鼎軸念家食之憑厚斥芳蔬之薦藪粵
有仲子堅辭廩祿寧齋體於中野灌百畦而是足惟二

哲之高知藹千齡之信廣... 之非偶諒謨猷而可
復豈不以崇高宅乎富貴... 乎風俗四民謹舊德
之業百乘鄙盜臣之畜義... 於交戰矛盾出並鬻
代工而治兮或在貪競付... 物以能兮使其茂育斯有
之良訓乃羣倫之所屬天... 地開兮賢隱置網張兮獸
怖炎火之焚石惡東龜之... 毀擗其田畝以昏作晦膏
而擇福我負子戴兮終年... 糜楚曼葛冬裘兮匪躬是
斯遜世之攸處詎紛華之... 河瀆昏子生兮曷為幸親
乎盛時進寬大治之責退... 有上直依之貴求中道於
先民樂鴻鈞於聖期寓垣... 屋於窮僻結以林巒於蔽
衢朝青閣以夙退飭兩駮... 子獨歸窈藹郊園一扶疎
町畦鮮巾組以邀遊飭壺... 觴而宴嬉幼子蓬鬢質
澁者湄或捕雀以承嫺或... 摘芳而散糝食周粟以勿
踐詠

堯年而不知琴風颯以解... 愠田雨滂兮及私爾乃壇
杏蒙金蹊桃銜碧李雜紅... 縹柰分丹白梨誇大谷之
種梅騁含章之飾烏勃旁... 挺來禽外植櫻胡品糝而
形別棠隸名同而實析大... 柶朱柿兮駢發棗安榴兮
間拆榘楂以馨列蒙采枳... 棋以甘芳見識援蓂奠於
林際架葡萄於沼側况夫... 霜薤含潤雲葵薦澤芹自
南楚蒜來西域蘇苳抽穎... 蔓蔓凝液董薺更茂菲葑
代殖苜蓿麗筵藁荷幕歷... 鐘山之菘韭早晚吳郡之
苜蓿紫白識女耀而瓜薦... 大昂中而芋食匏瓠在格
以增衍藜藿綠陰而可摘... 若其愈疾莪菊忘憂樹萱
香珍綠蕙媚服崇蘭玉藥... 金莖相思杜鵑辛夷龍紫
芍藥含丹游龍出隰芳豉... 生原籬槿歇暮宮槐合昏
四衢綺錯五出星聯衰蓑... 蘇回切落蕊纂纂初妍護
臺香而蝶亂聚崖蜜以蜂... 喧與

夫緒苓馬勃澤蔞溪蓀蒸芸禦凍椒桂含溫萸房入佩
菰首登殮薜荔成惟昔聖在垣獨堪除渴酸漿治煩苜
蒲感於百陰葶藶萌於六寒菴施心拔而不死虎鼎蔓
生而自懸彘首牛脣之必移鷄腸烏喙之繁紅鬢細膏丹
房碧延或山經之號著或藥錄之名傳至夫松檜被徑
梧楸蔭軒江蕉凝牛酸切綠海栢渾圓石安菴蔚法老
縈纏聶嶰筠之東美垂溪柳之三眠或後彫而香或
總翠以相先叢灌駢滋翾飛所據驗九扈以農王嘗五
鳩而民聚戴雉興蠶織之候布穀起耕耘之務當空成
而鷓鴣去止麩麥秀而倉庚始翫伯勞驚於早寒蓋旦
戒乎將曙晨風不繫而逐雀斷木無聲而食蠹鷓介立
以擅澤鳥羣敷而反哺而鷓匪陋於荆棘鷓無營於鍾鼓
順時律以弄吭樂天而命侶鷓鷓溢以交賀鷓鷓脩脩

而言語既量爵之不設在槽巢而可俯談王道於樵子
接歡歌於壤父鑿坎井之凝冽決清渠而灌注愚抱甕
以殫力智設棹而盡慮咸不病於夏畦各無憂於梓茹
懿夫觀品彙之容茂以誠元精之所存觀百嘉之穰儉明
四序之無愆動植飛潛皆得宜乃悅兩暘寒燠兮叶度
而蕃且復論名花於丑石子興瑤草於王孫采家臣之秋
實歌上瑞之豐年資旨蓄而御冬擷衆芳而鍊顏至若
嚴客幸臨良辰是遘載掃危榭爰張宴豆蒙山騎火之
茗豫北釀花之酎或秋弈以當局或唐弓而在殼哨壺
枉矢之設博筭樗蒲之侑誠一笑兮相樂亦千金而為
壽灑毫牘以摛思極朋情而卜晝送歸鴻兮海壖揆鳴
瑟兮賓右舞長袖兮相屬命歡謠兮師奏無取次公之
在不遺椒舉之舊春曉晚兮氣佳臨高臺兮淑華夏恢

台兮日永蔭茂林兮脩迥涼月皎兮鍾漏寂朝霞飛
宇負靈廟丹府以懲忿悅靈龜而繕性茲所謂祛魯相之
介節略於陵之獨行却園夫之利兮取彼閑適荷王國
之寵兮遂夫游泳禽託藪以思驚獸安林而獲騁倡佯
乎大小之隱放曠乎遭隨之命庶樂育於嘉運契哲人
之養正

明堂賦

范

仲淹

臣聞明堂者天子布政之宮也在國之陽于巳之方廣
大乎天地之象高明乎日月之章崇百王之大觀揭三
宮之中央昭壯麗于神州宣英茂於皇猷頌金玉之宏
度集人神之丕休故可祀先王以配上帝坐天子而朝
諸侯者也粵自蒼牙開極黃靈耀德巢穴以葦棟宇以
植徹太古之弊明大壯之則風雨攸止宮室斯美將崇

高乎富貴之位統和乎天下之理乃聖大造明堂肇起
明以清其居堂以高而祀之也聖人而四也聖人而中
時禮以潔而儉必表之以予教以清而流故環之以水暨
二帝之述焉合五府而祭矣述夫夏禮秩秩奉以世室
商祀穆穆制以重屋神禹卑階以一尺之崇成湯受
命章以三尺之盛赫赫周堂制度景章七筵兮南北之
廣九筵兮西東之長堂并包於五室室辨正於五方左
青陽而右總章而明堂而背北室耽然太室儼乎中黃
都徽名之在南取盛德之同陽或謂殿堂惟一厥室惟
九闕闔其三十六戶疏達之七十一闕亦規上而天覆
復矩下而坤字近郊之宮所以而能受通天之宇高而弗
偶八方象其幅合其九陞象其正則後肅肅肅一作桓桓焉聽
政之順應及而向象德遠承天之柱列宿而相望環

之宜講武無以... 高第之... 室之冬也天下為之
靜斯乃順其吐... 物成... 使民不倦者也稽夫
宗祀之文太亨之辰上儀... 早... 盛節兮彬彬比於郊
也我則取文之勝方其... 則取質之純損益其禮
尊嚴其親五六之聖... 陳五帝之席弈弈而倫惟
太室之位極上帝之神... 先王從祀者五臣博年
離離玉幣莘莘牲牢之舉既遵於夏后蔬果之薦復本
於周人禮無不當誠無不極聖人於是出齋宮而肅肅
被法服而循循酌一獻以從... 躬百拜以表寅司儀實
相樂正攸賓進俎豆之吉... 羅篚簋之輪困六樂成在
統美乎列皇八風相... 同和乎大鈞下舞上歌蹈德詠
仁非常之祭... 及音... 國共吳大之孝... 懷者兆民於是神
醉其德人樂而極... 太... 文書於策大夫頌於國頌曰明堂

崇之明王祀之禮以成之樂... 以歌之光天之下教以化
之若夫元朔會同羣后對越... 穆穆乎舜門之闕晰晰乎宣
爍之發帝時待旦而夕求衣... 以先紆黃組冠通天建日
月服乾坤佩干將升崑崙進... 山嶽之主當雲龍之軒正
聖人之大寶示天下之有尊... 巍巍焉負宸而立濟濟焉
辨色而入太常正其等衰九... 負序其名級中階之前三
公屹然應門之外九采察焉... 階之東諸侯以同西階
之西諸伯以齊門東北面者... 丁之位門西東上者男之
次東門之外則有樂浪蟠木... 九夷之國西面而北上西
門之外則有蒙汜太秦六戎... 屬南上而東向南門之
外則有朱垠越裳八蠻之族... 唯北是望北門之外則有
葷粥幽陵五狄之種唯東是... 出於是焜焜旅進鏘鏘肆
覲嚮明者蓋取諸離觀光者... 受之以晉君臣之位定禮

樂之道振雅韶以奏文鐸以徇皆望雲而就日必歌堯
而頌舜上和而下樂金聲而玉潤况乎晨光赫曦天顏
弗違冕絃兮霞集玉帛兮川歸盛乎王庭之聲明煥乎
天象之光輝若北辰之會衆星咸察察而在共如太陽
之臨多露普湛湛而將晞莫不君三揖丁上臣載拜于
下行典禮揚風雅訪雋良議窮寡人曷幽而覆盆賢
曷側而遺野于以盛名器于以休宗社署聖法於圓闕
馳神教於方夏皇哉耀今昔之榮觀至哉敷億兆之純
嘏故曰揖讓而治天下者明堂之謂也惜乎三代以還
智者問問諸儒靡協議者喋喋而皆膠其增損忘禮樂
之大本泥於廣狹廢皇王之大業使朝廷茫然有逾遠
之嘆惘然有中輟之議殊不知五帝非沿樂而興三王
豈襲禮而至爲明堂之道不必尚其奧行明堂之義不

必盡其制適道者與權忘象者得意大樂同天地之和
豈匏竹而已矣大禮同天地之節豈豆蓬之去爾自漢
魏之下暨隋唐之際堂或三五之上道非三五之世蓋
不取其厚而取其薄不得其大而得其細享配之文或
然未分政教之列斯焉弗聞是則帝道不施胡取乎總
期皇德不隆胡取乎合宮故夫明堂之設也天子居之
日敬日思思之何也萬微存乎消息敬之何也兆靈繫
之安危繇是惟克念以作聖思堯舜之齊名懼巍巍之
弗逮迺孜孜於鷄鳴唯至平之休代思阜財於吾民懼
四維之有艱尚瘡痍而百辛故聖人之寶儉弗下剝而
上侈思寡費而薄索民庶幾于格恥惟下武之太寧亦
省躬于干戈取諸豫於四方慨風雲以長歌惟知人其
古難思濟濟乎賢者蓋舉一於臯陶迺連茹于天下惟

好生之至德思與物而為春懼幽陋之靡及常咨命于
仁人惟及人之一德始若晦亡而彌彰故三五之君子騰
茂實而無疆惟皇極之大範中心天下而與平懼萬物之
或差持我心於誠衡然後見工八下齊於無體和於無聲
厖眉而壽吾何仁之有舍哺云以嬉吾何力之為但淵淵
絲絲無反無偏浸淳澤以咸土仁樂鴻化於自然此明堂
之道也蓋無德而稱焉我 國凶家疑粹百靈薦馨三極
東升煙於岱首西展琮於汾 則未正天神之府以讓皇
人之德祖考來格俟配天之坐 俄諸侯入朝思助祭之職
豈上聖之謙而愚臣之惑也 臣請考列辟之明術塞處
士之橫議約其制復其位儉 不為其陋奢不為其肆斟
酌乎三王擬議乎簡易展宗 祀之禮正朝會之義廣明
堂之妙道極真人之能事以 至聖子神孫億千萬期登

於斯念於斯受天之禘與天下宜而已乎

宋文鑑卷第一

宋文鑑卷第三

賦

松江秋汎賦

鳴蟬賦

秋聲賦

圓丘賦

右史院蒲栲賦

詆仙賦

憫獨賦

靈烏賦

凌霄華賦

拚欄賦

離憂賦

劉劉

清言

備備

祗祗

祗祗

祗祗

堯臣

堯臣

敬敬

敬敬

石室賦

鑿二江賦

交趾獻奇獸

思歸賦

歷山賦

事君賦

狄 導度

狄 導度

一可馬 光

工 安石

王 安石

王 回

葉 清臣

松江秋汎賦

澤國秋晴天高水平遙山晚碧別浦寒清循心具區之
野縱泛吳松之濶東瞰滄海西瞻洞庭槁葉一似下斜陽
半明樵風歸兮自朝暮汝溜滿兮誰送迎浩空兮一
色黃霽色兮千名於是積潦未收長江無際一瀾方傾
扁舟獨詣社橘初黃汀葭餘翠驚鷺朋飛別岵孤唳聽
漁浪之遠響聞牧笛之長吹既覽物以放懷亦思人而

結款若夫敵寇初平霸國方盛均憂待濟同安則病魚

貪餌而登釣鹿走險而忘命一旦辭祿揚舸高泳功崇

不居名存斯今達識先明孤風就競又若金權不融洛

塵其蒙宗城寡扞王國于雄拂衣客右振權江東苑翠

綸兮波上贈蟬翼兮梓儻即時之有適違我後之為

恫至如著書笠澤端居一里兩將汀洲片帆煙水夕辭

酒壚朝盤魚市浮游塵外之物嘯傲人間之世富詞客

之多才劇騷人之清思緬三子之芳徽諒隨時之有宜

非才高見棄於祭路乃道大不容於禍機申屠臨河而

蹈 壅伯夷登山而食薇皆有謂而然爾豈得已而用

之別有執簡仙靈持荷帝柱晨韶史氏之筆暮握使臣

之斧登覽有澄清之心臨道動光華之賦荷從欲之流

茲慰遠游之以懼筆提封之所履焉方割之此憂將濬

疏於匯川其拯濟乎珍疇歸白鶴之新渚據青龍之上
游濯埃垢於緇袂刮病膜乎昏眸左引任公之釣右援
仲由之桴思勤官而裕民迺害利之遠猷彼全身以遠
害蓋孔臧於自謀鮮鱗在俎具茶酒醜少廻俗士之驚
亦未可為茲江之羞

鳴蟬賦

歐陽脩

嘉祐元年夏大雨水奉詔祈晴于醴泉宮聞鳴蟬有感
而賦云

肅祠庭以祗事兮瞻玉宇之崢嶸收視聽以清慮兮齊
予心以薦誠因以靜而觀動兮日乎萬物之情於時朝
三兩驟止微風不興四無雲以青工雷隱隱其餘聲乃席
芳藹臨華軒古木數株空庭草門爰有一物鳴于樹顛
引清風以長嘯抱樹柯而永歎噫嘻非管公冷若絃裂

方號而復咽淒欲斷而還連吐孤韻以難律含五音之
自然五音不知其何物其名曰蟬豈非因物造形能變化
者邪山山自糞壤慕清虛者邪凌風高飛知所止者邪嘉
木茂樹喜清隱一作陰者邪呼吸風露能尸解者邪綽
約雙鬢負修嫵媚者邪其為聲也不樂不哀非宮非徵胡
然而鳴亦胡然而止吾嘗悲夫萬物莫不好鳴若乃四
時代謝百鳥嚶兮一氣候至百虫驚兮嬌兒姪女語鸞
庚兮鳴機絡緯響想率兮轉喉弄舌誠可愛兮引腹動
股豈勉彊而為之乎至於汚也濁水得雨而聒兮飲泉
食土長夜而歌兮彼蝦蟇固若有欲而蚯蚓又何求兮
其餘大小萬狀不可悉名之有氣類隨其物形不知自
止有若爭能忽時變以物改或漠然即無聲嗚呼達士
所齊萬物一類人於其間所以為貴蓋以一作已巧其

語言又能傳於文字是以窮彼思慮耗其血氣或吟哦其窮愁或發揚其志意雖其盡於萬物乃長鳴於百世予亦安知其然哉嗚呼自喜方將考得失較同異俄而陰雲復興雷電但擊天大雨既作蟬聲遂息

秋聲賦

歐陽脩

歐陽子方夜讀書聞有聲自西南來者悚然而聽之曰異哉初淅瀝以蕭颯忽奔騰而砰湃如波濤夜驚風雨驟至其觸於物也鏦鏦鏗鏘金鐵皆鳴又如赴敵之兵銜枚疾走不聞號令但聞人馬之行聲予謂童子此何聲也汝出視之童子曰星月皎然明河在天四無人聲聲在樹間予曰噫嘻悲哉此秋聲也胡為而來哉蓋夫秋之為狀也其色慘淡煙霏雲歛其容清明天高日晶其氣慄冽砭人肌骨其意蕭條山川寂寥故其為聲也

凄凄切切呼號憤發豐草綠縹而爭茂佳木葱蘢而可悅草拂之而色變木遭之而葉脫其所以摧敗零落者乃其一也示之餘烈夫秋刑官也於時為陰又兵象也於行用金曰心謂天地之義氣常以肅殺而為心天之於物春生秋實具故其在樂也商聲主西方之音夷則為七月之律商為物也物既老而悲傷夷戮也物過盛而當殺嗟乎草木之情有時飄零人為動物惟物之靈百憂感其心萬事勞其形有動于中必搖其精而況思其力之所能及憂甘六智之所不能宜其渥然丹者為槁木黝然黑者為皁何以非金石之質欲與草木而爭榮念誰為之哉嗚呼亦何恨乎秋聲童子莫對垂頭而睡但聞四壁虫聲唧唧如助予之歎息

同丘賦

宋 祁

若夫天地之區既奧而腹王者所以作京焉神明之隲
匪攻而築上帝所以定位焉我朝之擁歸運也譏函
鎬保界之陋鄒周維澤澹之淵乃据梁之芒芒偵河之
渾渾畫邦畿之千里于以宅天子之尊然後翼翼乾乾
作邦乎先禘其祖之所自出乎遂有事乎昊天占國南
之七里得高丘之岬然自乾寓之初關保坤靈而不遷
藏偉兆於遐葉震元符於茲年此烈祖所以哀神之
對神宗所以放物之闕真考之所陟降丕后之
所周旋蕩列聖以承衍總萬靈而賓延翕降監之厚
福焯巍嶽而亡原則晉考十乎委西漢彤飾乎其泉曾
不得望我之末光絕炎况並驅而流以有哉敢問圓丘之
狀也其何如矣廣矣大矣略可詳矣上崔嵬以鬱律兮外
博敞而神麗遡朱鳥以高蟠兮既細也魁而邪峙休氣回

復乎其椒兮榮泉滋滲兮其止臙昧不若泯伏於其遠
兮神明肅然離衛乎其爾於是攘之辟之其蓄其翳修
之平之其炊其燬上三陔以積高外四門而疏陞列道
糊頰重營界紫無縮板以作勞不雜相屬而昭侈因天質
之自然非人力之攸致致萃兮似高山之在周邦截焉若
隆堆之亘汾澁及夫涓日肇祀于郊之宮陶匏尚質金
石有容壁真禘以蒼蒼兮鼎敵雲一而隆隆百神服食蔓
衍乎坎間兮有司守燎燦爛乎壇中穆穆天子相維辟
公咸盛氣以彊力相升降兮穹崇披大紫之莫莫招翠
黃之雍雍合蕭薌於欽柴兮高煙乎璇穹塞天淵以墮
祉奮光明於亡窮踰乎已事罔有不恭若乃自內出者
無正不行自外至者無主不止故我率乎祖而推本正
乎位而升配使禮動乎上則神饗樂交乎下而人喜畢

九州以獻力罄一絲以盡意君子曰觀天下之物無以稱其德所以因天事天取至誠為貴則斯立也實國家集福之清場事神之寶時國聽之所馮厚靈心之所翔會駐鬼神於鸞歛黃圖之方志彼草樓列仙之館像設梵王之廬豚蹄種祠之託鱗長九淵之居皆祠官之細祀族之餘尚且落成者敲吻而極嘆乞靈者紙筆而爭書叛宜父以語怪溺丘明之好巫獨圓丘歸而遺美寧儒者信優而未之思歟遂作頌曰屹圓壇赫助助大盤盤兮君之升帝是饗華而安兮禮無違福不回委如山兮聖繼聖萬斯年長監觀兮

右史院蒲桃賦

宋 祁

癸酉之仲夏予授詔修書寓於右史院紬繹多暇裴回堂除有蒲桃一本延蔓踈瘳垂實其寡予且玩且惜以

為省戶疑切禁廷敲閑人不天摧禽不棲啄與平原槁壤有間匪灌叢宿莽所干而條悴葉芒不為時珍何邪得非地以所宜為安根以屢徙為危封殖浸灌信美非願因為小賦代其臆對云

昔炎漢之遣使道西域而始通得蒲桃之異種倚苜蓿以來東矜所從以至遠遂徧殖乎離宮去葱雪之寒鄉託嶠函之福地並萬寶以均載歷千古而舒粹玩之可使蠲煩食之足以平志不由其甘而取壤迺因少而獲貴鄙柚苞之輕佻賤蔗境之塵滓粵何人斯殖我于茲託深嚴之祕署切轆輶之文壤培孤莖以膏壤引柔蔓乎標枝泉石渠以蒙浸露金莖而泣滋布涼影於月宮獵重葩於禁颺蔽風廬之岑寂隱肅唱而委遲彼得地而逢辰宜欣欣以茂逐奚敷華而委質反慘慘而茲瘁之

磊砢於當年讓紛華於此世是必野芟非曾掖之玩菲
實異太官之味困枳橘之屢遷嘆匏瓜之徒繫亦猶鬱
柳有性不願栝捲之華海鳥取容非榮觴酒之饋胡不
放之巖際歸之龍陰上敷榮於摻木外結庇於緇林蒙
煙沐霧跨野彌峯蓋豐茸大德之谷棲息無檜之禽保深
根以庇本誠繁實之披心窮天年以善育奚斤斧之可
尋亂曰階藥銜華堂萱爭麗技以萬年為名木以五衢
稱瑞是皆託中治以進孰荷鈎盾之為地結管心以自
如非孤生之所冀

詆仙賦

宋 祁

予既守壽春覽郡圖得八公山故老爭言山上有車轍
馬跡是淮南王上賓之遺耕者往往得金玄丹砂所化
可以療病因取班固書葛洪神仙二傳右而質之嗟乎

人之好奇而不責實也尚矣而洪又非愚無知者猶蕪
浮證偽况鄙人委巷語耶作詆仙賦

憫茲俗之鮮知兮徇悠悠之妄陳常牽竒以合恠兮欲
矜已以自神標百世之實亡兮唱千齡之偽存彼淮南
之有將兮固殊刺而殞身緣內篇之不誕兮眩南公之
多聞謂八人者語王兮歷倒景而上賓餌于比之神藥
託此謳乎霄晨王負驕以弗愛兮又見謫於列真雖長
年之彌億兮屏帑偃而念愆藉博謝靴靴黼黻縵縵不
仙念斯事之吾欺兮聊反復乎遺言號聖仙之靈稟兮
宜常監德而輔仁不足察王偃貴兮遂列內於天門已
乃恨其非是兮胡為賞罰之紛紜寧仙者之固惑兮無
以異乎常人國為墟而嗣絕兮載遺惡而不泯故盛傳
其遺金兮遺石之餘良武安陰語而前死兮更生偽

何以讀論彼是詠以用時方宜自警於斯文

獨賦

宋 祁

前人之抗志兮雖有適而遂遂待我醒於昏醉兮
獨是於衆非吾固知高木不得林兮孤音鮮與之諧特
三廢於曹路兮一妍掩於萬虫與吾黨以同寐兮挈子
覺其何之越家祀而訶冕兮裸尸程而晒衣奮單絺以
止議兮安足救輿談之參差發介瞭之精覽兮何預群
蒙之悵憊屈自高以赴淵兮夷已信而饑薇波瀆流而
無益兮返蒙讓而被訾兮今吾有道於此兮請質古而登
其狂者以不狂者為狂兮飲泉流而後宜非聖者以聖
非兮均獵較而免譏控爾方而殺廢兮常偶欣而儷
獨行以中晦兮庶明哲而為期

靈鳥賦

梅

堯臣

鳥之謂靈者何噫豈獨曰正鳥也夫人之靈大者賢小者
智獸之靈大者麟小者駘川蟲之靈大者龍小者龜鳥之
靈大者鳳小者烏賢不昧心而用智給給兮為世所趨麟
不時而出駒流汗兮擾擾於脩途龍不時而見龜七十
二鑽兮寧自保其堅軀鳳不時而鳴烏鴟鴞兮招唾罵
於邑間烏兮事將兆而獻忠人反謂爾多凶凶不本於
爾爾又安能凶凶人自凶一爾告之凶是以為凶爾之不
告兮凶豈能言告而先知兮謂凶從爾出胡不若鳳之
時鳴人不怪兮不驚龜自神而剝殼駒負駿而死行智
驚能而日役體筋劬兮喪精烏兮爾靈吾令語汝庶或
汝聽結爾舌兮鈴爾喙爾飲啄兮爾自遂同翔翔兮八
九子勿噪啼兮勿睥睨往來城頭無爾累

凌霄華賦

梅

堯臣

厥草惟夭厥木惟喬草有柔蔓木有繁條緣根兮附蒂
一作質布葉兮敷苗朱華繁兮下覆本幹蔽兮不昭嗟
兮一作乎此木幾歲幾年而至於合抱夫何此草一旦
一夕而遂曰凌霄是使藜藿高艾慕高豔而仰翹翹也
安知蘋藻自潔蕙蘭自芳芙蓉出汗而自麗芝菌不根
而自長或紉珮帶或采頊筐或製裳於騷客或登歌於
樂章故得為馨香為薦為嘉為祥皆無附著亦以名揚奚
必託危柯而後昌吾謂木老多枯風高必折當是時將
恐摧為朽萎不復萌蘖豈得與百卉並列也耶

拼櫚賦

劉 敞

圓方相磨純粹精兮剛健專直交神靈兮馮翼正性拼
櫚榮兮中立不倚何亭亭兮受命自天非曲成兮外無
附枝匪其旁兮密葉森森劍戟鏗兮溫潤可親廉而不

傷兮雪霜青青不畏一彊兮壽比南山邈其無疆兮被髮
文身何佯狂兮沐雨栴風寒無所妨兮苦身克已用不
失職兮摩頂至踵尚西墨兮黃中通理類有得兮屹如
承天孔武且力兮懍其無華不尚色兮表英映衆木如
繩墨兮播弃蠻夷反自匿兮遁世無悶曷幽嘿兮明告
君子吾將以為則兮

離憂賦

梅 堯臣

抱戚戚以長歎兮弔惻惻以自眎魂離離以駿邁兮精
蒙蒙而就翳氣貿亂以輾轉兮形爽淘而荒瘁信民生
之多難兮伊天命之方摯知隕性之無續兮畏忝經而
遺義日月騰以漂忽兮春與秋其狎至卒撫心以抑志
兮諒投艱以遺大肩帝堯之餘烈兮歷三正而相仍下
天漢而逾熾兮啓東藩於大鼓胡亂夏以混楚兮賢辟

世而迅征遡江介以幽趣兮沈三徙而弗聲求王明而
受福兮祖來儀於太平泊以棘凡支群龍以登績
兮勃侔命於遠夷非別子於都邑兮更名數於京師繇
清白以象賢兮爰頽慶而歷茲馭長策以通駿兮周窮
荒而不疑敵輸歡以馴教兮變服而來娛中心實使
生外兮謀大道之難推惟保性之蟬聯兮上參差以千
歲裕後葉之孔艱兮憚情中而事廢志激揚之未究兮
不克荷而為罪誨丁寧之六仕耳兮洵僂俛而違殆忽馳
思於昊天兮又寤辯而自世忽發與齡以交永兮且命請
而罔害涼不肖而違愍兮曾夫人之髮髯原本始而罔
豫兮心滄陽以崩潰覲履學而戴高兮顧生久其誰賴
願去人間以超舉兮復供夜以弭憂苟一觀於顏色兮
豈餘生之足留中恍忽而自失兮恭聞命乎前修天不

可以忌兮道不可與謀母苟襲匹婦以圖諒兮固將徇
騫父以寡充

石室賦

狄 遵度

石室之幽古城之陬煙剝雨落苔萃蘚稠斷勁頑而植
立攢衆磊而互鳩齧首屹以孤挺虹氣據而外浮銷繁
金之用侈陋銘燕之積偷傑立西土邈視千秋何愛人
而思樹卒頽否之靡由室之經始請誓其紀其人則遠
其室甚邇其室也尊維人之繫其繫維何維德之被其
被維何撤華於裔弃民而夷嘗亦聞之易夷而民俟其
偉而惟蜀之啓邈乎遠矣會牧野而微盧與同道嶠冢
而標檉斯泊或斃力而啓其隘或窮兵而伐其地東抗
諸夏之喉右得秦原之臂地不為之限天不設其閉氣
清肅而休晏物菴茂而被麗柰何推髮之與雜卉服之

與俱貪其地則地或爲已有視其民則曰非吾徒已雖
善忍彼亦何辜有大人者民之視圖視爾之鄙嗟予其
吁曰吾不至將彼之愚教而有類聖其欺予解辯而冠
削衽而裾疏之濬之使蕩其滯培之養之使豐其枯誘
而利之麾督而趨園而規之不摯而拘乃豫乃詠以嬉
以娛處乎其變決乎其舒始也夷貉之弗如今也鄒魯
之靡殊始也自我兮居居今也視我兮姁姁孰我有德
室其視諸室之莫兮知公之德安以肆兮室之堅兮知
公之德純以一兮室之磊兮知公之德傑以卓兮室之
魁兮知公之德碩以鉅兮德不可忘室不可墮墮其室
則胡以見公之德泯其德則胡以示後之規孰治其業
我將趨之孰締其跡我將經之故教無俗兮不變俗靡教
兮弗移曰吾之智斯亦其宜曰彼之愚故甚之欺况乎

位天下之正位居天下之廣居其所爲民皆二帝三王
之故俗其所治具皆二帝三王之成謀法不更造事不
更謀曰是懵者奚足以教則斯室也其謂何乎

鑿二江賦

狄

遵度

子始至蜀詢諸古之賢於蜀有功者以爲無出文翁上
者於是作石室賦已而復聞有李侯者於蜀有大功焉
二人者用力於民雖有勞逸然參其功亦其等耳於是
又爲之賦鑿二江佑蜀之民知蜀之所以爲蜀皆二公
之力乎

嗚呼吾聞魚鳧氏以降秦太守之前蜀之爲國不幾千
萬年方二江之害也茲之以禹之功不是施兮嗟後來亦
奚言彼民之昏溺也無乃得之於天不能遷土而改宅
兮其流漂亦誰寃也

驚折走莫知其所以一兮吼兮谷而下空蛟鼉鼉嗚呀以相
濡兮何允蠢而緣之履膚吮血沸以咀嚼兮成飲腐而
胞臙霍蒲菱交紛以相被兮汗百頃之良田土不藝而
民無所食兮孰與夫其艱鮮民之害固不可終極兮歷
百千萬世天乃授之賢曰噫中國之無人遂使民至
於此焉天之生斯民以兮故使之食飽而居安降巨盜以
漂之兮天之意不然水之性固就下善利兮火之則宣
濬九川而距四海亦奚艱且九載之孜孜民不憚苦而
訴煩蓋因利而為利兮勞之在先不忍一勤其力兮乃
至驚萬世而害弗始胡不浚發其利源剷削其害根巨
崖剖以鑿裂兮若頰乾而陷坤怒石奮以交墜兮吁電
走而雷奔世湯重淵以傾覆兮喪百恠之精鬼雲轉霧溢
盤薄感蹟兮注壑于其間寂寥散漫肆以長往兮若魚

散於坯渾決其餘以旁漑兮居其側數百頃皆膏腴之
上珍民降丘而下宅兮若蟻聚而蜂屯則幾年幾世之
積害一日剷去兮不啻捐芥而蕩塵嗚呼蜀之為國非
地之中宜乎夷貊之雜處魚鼈之與同有李侯者至然
后別類於水物有仲翁者至然后同俗於華風然則今
所棟宇而處衣冠而嬉皆二公之所翳若李侯者事固
所莫得而繼彼仲翁之教亦何憚而弗為嗚呼以禹之
功至大至神括六合以橫該疇有存而勿論乎茲為害
獨不得聞無乃力所不洎兮抑亦遺其功於後人而今
而後乃知民未得所欲事或有不利先世所未暇除去
聖人所未及裁制苟有志於生民皆吾人之所事若曰
茲事體大必聖人而后為則小子也不敢與知

交山賦詩賦

司馬光

皇帝御天下三十有六載化洽於人德通於神邇無不
協遠無不臻身有交趾來獻其麟其為狀也熊頸而鳥
喙豨首而牛身罕則無魚象則有鱗其力甚武其心則
馴蓋遐方異氣之產故圖謀靡得而詢於是降輶車之
使發旁縣之民除塗於林嶺之隘引舟於江淮之濱曠
時月而陟萬里然後得人觀乎中宸與夫雕題卉服之
士南金象齒之珍歟紫闥而空入允彤庭而並陳於是
群公弼士百僚庶尹儼然垂紳薦笏旅進而稱曰
陛下功冠邃古化侔儀極恭承神祇嚴奉宗祏純孝蒸
烝小心翼翼出入起居不忘於訓典進退周旋必咨於
軌則體文王之卑服遵大禹之菲食宮室觀臺無巖刻
之華輿馬器用無珠玉之飾遊必備於法駕燕不廢於
朝夕此皆帝王所不能為而陛下行之尚不忘於休

暢是以方內乂寧黎民滋殖垂髻之童耳皆習於詩禮
戴白之叟目不睹夫金革至於根著浮流跋行冢息無
不翔舞太和涵濡茂澤此殊俗所以嚮臻靈獸所以來
格雖漢室之初黑鵬貢於絕徼周家之隆白雉通於重
譯殆不足方也臣等謂宜命協律播之聲歌詔太史編
之簡策以發揮不世之鴻休張大無倫之不績不亦偉
乎 皇帝乃穆然深思愀然不怡曰吾聞古聖人之治
天下也正心以為本脩身以為基闔門睦而四海率服
朝衆和而群生悅隨故務其近不務其遠急其大不急
其微今邦雖康未能復漢唐之宇俗雖阜未能追堯舜
之時况物尚疵癘而民猶怨咨朕何敢以未治而忘亂
未安而忘危享四方之獻當三靈之鑿且是獸也生嶺
嶠之外出沮澤之澗安其來吾德不為之大縱其去吾

德不為之虧奈何貪其琛寶之美悅其鱗介之奇容其
欺給之語聽其諂說之辭以惑遠近之望以為變夷之
嗤不若以迎獸之勞為迎士之用養獸之費為養賢之
資使功烈烜赫聲明歲幾廢耳目一日之玩為子孫萬
世之規豈不美歟於是群臣拜手誓首咸曰此盛德之
事臣等愚駘所不及 陛下誠有意於此臣等敢不同
心竭力對揚而行之 皇帝於是御棧樸之篇觀大畜
之繇延黃髮之儒顯巖穴之秀善有可旌無間於幽遠
言有可采不弃於微陋位匪德而不升官無能而不授
使稷契居左皋夔立右伊呂在前周召侍後相與講經
執之淵源覽皇王之步驟求大化之所未孚訪憲澤之
所未究興民之利若療夫飢渴除民之害若憂夫疾疢
賜予簡而功無所遺刑罰清而姦無所漏浮費省而物

不屈於求須苛役蠲而農不妨於耘耨使
之夏有葛而冬有裘居有倉而行有秩終績之饒足以養其老甘脆
之餘足以德其幼地不加廣而百姓足賦不加多而縣
官富道塗之人耻爭而喜讓閭閻之俗弃溺而歸厚戶
知禮義之方人享期頤之壽然後旒裘之長頌頌而警
服祝髮之渠回面而奔走靡不投利兵而龍冠帶焚借
服而請印綬於是三光澄清萬靈動息依風雨時若百稼
豐茂休氣充塞殊祥輻湊甘露霖於林壑醴泉鬪於
於披寶平慮羅植於階祀朱草叢生於庭之留鳳皇長離
駢枝而結巢芝龍騶虞舞而為畜由是觀之則彼膏
夷之凡禽瘴海之巨獸不足以備車甲肉不足以登
俎豆夫又何足以若水衡之器而誇百里之圃者哉

思歸賦

王

安石

寔是五馬南兮安之者其子也人之思也吾舟兮水波暮吾
馬兮山阿亡濟兮其天賦一兮亡賦風偷偷兮來去
日翳翳兮浪濤之雨萬物兮其歲逐逐其令暮
吾感不知夫塗兮非獨得也一及盡蓋歸兮蓋去兮獨
何乎此旅

歷山賦

王安石

餘姚縣人有與季父爭田于縣于刑于轉使不直提點
刑獄令余來直之將歸陽以望歷山而賦之歷山在縣
西上虞縣界中或曰舜所耕也
歷山之我我兮予汝耕之汝汝疆之此匪予私云然兮
誰汝使子人之子兮余師歷山之我我兮則維其常人
之子兮云曷而亡去曷而亡兮我之思今孰繼兮我之
之悲嗚呼已矣兮來者或誰

事君賦

王回

北面以受命兮命同而功則異矢中心而自贊兮非有
道曷明其所為蓋圖國之在人兮我得之故為貴若貨
私之不敢愛兮奉君欲之所便役股肱而忘死兮濟君
難於已然豈不輸忠而塞報兮奈何猶憾於天倬我圖
而孔臧兮志常足而名全閔萬物之至衆兮孰一人之
至寡呼同德以佐佑兮賴生權於取捨張有司而賦政
兮寄聰明於夙夜儻虛其人而源歎官兮雖有食而誰
暇彙以進夫賢能兮馨品澤而無留但見朝大夫士兮
暨四方之守侯咸顯任其所知兮選交泰之時休君無
為而垂拱兮我亦退食而優之好昔重華之弼唐兮按獄
牧與禹稷文命躡其近武兮昭皇陶而謨九德擊應夾
以相湯兮美遂良而舉直文公作周衛兮向勤訓於三

宅其誠薦於天地兮况我民之訓格君臣享其淑問兮
詒萬世之矜式亞斯之不敢緩兮亦何世而無人隨心
大以成功兮但挾霸而未純諒愛道之自然兮如歲運
於陽春迷咫尺以它之兮固治亂之所分臧仲之蔽展
禽兮坐樹鸞於竊位公孫託擯於仲舒兮衆交誡其疾
息夫豈不念於善傳兮反貪巧而速累豈不望於世具之
徒兮猶可以逃罪彼匠者之構厦兮操斧墨而自能梗
楠老於深林兮斧墨具而焉程惟得人而事君兮乃受
命而有成感先儒之話言兮聊頌歲而一明

宋文鑑卷第三

宋文鑑卷第四

賦

抱關賦

王

回

駟不及舌賦

王

回

責難賦

王

回

愛人賦

王

回

大報天賦

范

鎮

鴻慶宮三聖殿賦

劉

放

秋懷賦

劉

放

抱關賦

王

回

嘉祐五年回始仕為衛古共主簿日負吏責憫已之不如
古人也作抱關賦
抱關之無責兮聊可充
口食兮匪可食兮吾何易兮抱

關之無愧兮聊可由吾仁兮匪可仕兮吾何累兮抱關之無悶兮聊可託吾遯兮匪可遯兮吾何悶兮

駟不及舌賦

王回

彼駟能行駸駸萬里此舌能言人纔聞耳萬里遠矣駟行有疆聞耳甚微舌言無方六轡在手縱之吾游見險逢艱不可控留一出諸口死傳吾志善惡吉凶孰追孰避蓋古君子取物以箴學士誦焉可毋慎乎

責難賦

王回

臣卑而君尊兮侔地道之承天北而面贄以伏朝兮南面受之偃然役股肱於夙夜兮須有命而後處含厥美以自忠兮避成功而不敢先何責善於難行兮奄恭名而獨傳蓋曰善之爲猷兮匪身修而弗克五事生之所稟兮覺初微而漸碩儻一失其本源兮外物來而橫逆况

宅擊於人上兮百廢叢而歸責治則身安而名榮兮亂甚者喪其家國賢臣出而登用兮爵既好而祿又豐師保阿焉受教兮箴諫謹於群工匪聖法而不敢述兮推天命於始終使吾君至誠兮執忠信以自主使吾君達其所忍兮仁無不加使吾君耻不若先王兮遵義之路使吾君不敢慢於匹夫兮禮乃大具使吾君察天下之理而無鑿兮智足以成務勤君之思而劬君之力兮誰吾謂倨蓋志行則爵祿可報兮否則遁而去昔舜禹之相堯兮斯猷著於典謨商摯慕其遺風兮引撻市而爲虜說冢宰於武丁兮繩正木而靡渝周公之告孺子兮揚文武之永圖召伯又歌乎公劉兮美厚民而匪居雖孔孟之游於衰世兮固守經而嚴如宜其名實之一揆兮彼興廢何區區後千載豈無臣兮忘鑽仰於我極逢

君欲以就利兮凡枉尋而直尺量君才爲不及兮聊順
時而姑息詆高論曰迂闊兮喜近已而循迹嗚呼君名
貶於雜霸兮專頌美於在昔臣不恭莫甚於此兮徒沒
齒而愧惕竊獨嘉夫魏公兮沃唐文而迂衡知正已而
民服兮破俗辨之刑名既柔遠而能通兮尚惜其學醫
而功速成作正位之儆戒兮雖芻蕘者亦聽匪吾言之
能賦兮唯尚文之易明

愛人賦

王 回

淑天民之秉彝兮同懿德而自好縱百骸以徇物兮義
與利其殊報彼君子兮唯先覺是號故忠恕以愛人兮
捨元元其焉肖竊誦夫曾氏之求志兮忘違禮而寢於
大夫之簞箠感童子之關諷兮雖疾病猶扶而反席元與
春務養吾欲兮回眉脣而姑息詆話言於一朝兮可推

而措諸靡極也曰德之爲物兮在己而不在他焉其形
輔於鴻毛兮其力重於太山吾人所以相保而生死兮
固賴此而能然俾各達其常心兮因厥類歐而復遷孝
莫大於尊親兮不格姦於幾諫慈莫隆於燕子兮擇明
師而講善忠莫美於致君兮專責難於可願禮莫隆於
任臣兮教欽職而有間莫戚於夫婦之際兮風雖鴻而
誰溷莫孺於兄弟之間兮泣關弓而弭怨莫樂於朋友
之交兮競切嗟而成信其餘泛吾義之所及兮亦應乎
求而敢倦異此則陷父於惡兮晉申生纒蓋爲恭納寵
孽於驕奢兮衛莊侯卒覆其宗逢主欲以厚斂兮將求
服鳴鼓之攻王僚試於私人兮形變雅之大東恣同床
之干政兮嬉妲繼以興戎小不忍於嚙母兮鄭克叔而
俱凶損友之二科兮匪孔門之所容况巧言與佞色兮

實媚衆以雷同嗚呼是非之甚明兮成敗亦不爲効歷
萬古而猶惑兮寧醉昏而夢未覺惜勞心而日拙兮竊
方循理而造要度無忝於曾氏之言兮聊矢賦而彌邵

大報天賦

范鎮

大宋七十有二載符節合於聖神陶鈞運於真宰化至
而乾用九令行而風不再泰山四維兮固基圖而靜寧
黃河一清兮撫期運而茂對元尊降休其如響當媪効
珍而弗愛星氣交見景炎青赤之光魚馬兩至道出東
西之海於時百靈會鈞天之游萬物極崇立之大鑿并
者罔識帝力仰盆者不知天蓋以上方游神治古之表
垂意幾成之會道皇極以其夷基太平而無外重茲盈
成罔或違怠若曰時靡衍沃物不疵厲協氣洪鬯而融
然無際者上穹之保艾邊鄙不從耳干戈倒載生靈相與

而謹然於內者三后之大賚按物理以順考曾朕躬之
弗逮不有反本之報曷爲含生之類况夫事具往聖之
行文備前出之載媿庭有六宗之禋周家有始祖之配
書以巡嶽而用事禮以掃地而展采總條貫於先猷赫
聲文乎當代上一其唱下百其響伯夷秩宗之典叔孫
奉常之掌咸謹職以先次率參謀而來上僉曰用日之
至吾道之長就國之南吾君之嚮可以爲人而祈福示
聖人之能饗也消辰之良既如是講儀之盛又如彼將
命以方底飛文以疾置鼓先令於民聽俾咸知於上意
西踰月羣之垠東走天池之紀北窮祝栗之野南極濮
鉛之地雷出而奮豫風興而披靡穹居卉服華體不薦
之首鬢首貫會離身反踵之帥尋聲望景知中國之有
至仁梯虛航深示戎狄之無外事順走我轍跡服馴我

邊轡延有變鯨共載之獸赤汗赭沫之與浮琛沒羽之
珍文鉞碧怒之異諸福之物備儻奇偉慶慶之狀
譎詭按圖謀而未書歷封禪而不至治治焉
助祭者波委而嶽峙時吾皇游巖亦探瑞嘉聞
樂觀儀物之備兩西飭四方近逮周行搜傑索俊提忠專
良相與齊於壇壇蚺蠶獲之中思所并而周流常羊者已
在出警之先期也闕觚削其如倚鋪首呀而欲驥行
默而下垂樂言既其高張八校拱著五旗司方禮卷之
薦藜軍裝之味世梁錯文以立早藻采兮四會五達之莊既
法從之彤飾後以呼鞭之對揚神扶絳宸乾行東箱左黃
鍾兮五應以祖動前式道兮三候而相望始乘輿也顯
顯昂昂奮至在德之光大明登之重昏破而群陰藏既遵
途也秋秋踰走萬人之望駭駭馳兮浮埃沉而瑞氣

翔參忠信於倚衡兮遠何適而不臧摠德法而不防獄
然其不動兮躬自厚而矜莊春以其六和兮躬不違而
滋涼顛儲思於逆釐之事也徑自心駕乎列仙之場儼味
降以肅潔兮查悟靈於忽恍平以謁之辭稱畢孝思之
容外溢葦然如傷沛然不懌念報天之用極顧履霜而
懷惕莫重乎禮經之五以觀乎世一廟之七內則樂穆羽
舞旌狄薦苾芬儀赫本逢奉乎明靈之來格外則熊司
旗虎視威威振厲氣教鬱肅陳乎清微之駢坐俄而傳
呼旦之聲巖出朝之躡眄重闔以高直屈夫禮神之室
觀夫涂六朱以洞闢壇八觚而翼靈為蠅紳綬之絳縹類
貂蟬之葱芊上摩星以旂雲下藻野而絳川聖人凝旒
以則數薦璧而象圓樂六變而道才和爵三獻而告虔百
神愛瑞以祖洽四方承宇而來旋啟脰管之芬膏煇雉

蒸於高煙香馨明之升聞藹嘉休而肅延廻五整芳清
道御兩觀於中天歌塗巷而沸湧觀堵墻而駢填或陰
而霞紛振衣而警杖方冬而暑成疊躡而側有靚羅千
車廻轅衝輞岌若移山之行隱如奔雷之聲磬碎礧礧
以拱乎神庭鐵衣萬騎奮踨橫逸鳥如噴雲之釋迅如
衝風之疾宛轉絡繹以環於帝室嚴辦方中外臚句方
上下繩鶴馭以飛書緝鷄竿而肆赦縱係縲以卑出普
疵吝而一灑重离之曜大繼明以照四方泰山之雲不
崇朝而徧天下飭飲賜冰純嘏受釐而延膝席飲福而
奏需雅太室之聲曼延於壽曆履于血之安盤固於宗社
彼甘泉汾陰后土之祠交門竹宮神光之拜或孜孜於
曲請或屑屑於未戒監戒陋乎曾未知福含生懷萬靈
之爲大也有一二眉壽顧謂臣曰子游都而盛其際吉

其逢者所謂觀國之光利用實于王矣亦嘗知盛際之
所自出吉逢之所由來者乎予小留吾其語汝夫聖人
之將有爲也必本於仁義聲而爲樂文而爲禮柄而刑
賞統而祠祭崇讓以樹之懷遠以固之作德以茂之此
古先之能事教化之肇基也故其始下詔則有司指圖
有經叩天進辭相與上乎號榮者當宁却而不名斯崇
讓之至誠也將僕儀則百蠻款塞移珍謁謹象譯厥角
于此闕者本朝羈而不絕斯懷遠之上烈也既已事懸
官去煩削密輕徭緩租躡躡於仁壽者庶黎愉然而
宥斯作德之洪覆也夫一舉而闕衆目非曰躬聖發憤
其孰能夫圖而彈究子意亦按胥庭之圖披義農之籙
援結繩造契之具迹卷卷世衣之躡料平其基緒之馮厚
隼元精之回復揚波以興其腹潤摘芳以塞其稠縹然

後據文心散辭氣伏天庭而維（續）贖臣蹶然而仰曰富哉
言乎微文人後進生其不識王澤之滲漉也謹拜手而
系曰赫赫 鍾宋體元聖統升中而奉兮恢恢大圓應
聖何言墮社以蕃兮 吾皇之隆彼蒼之崇人符無窮兮

鴻慶宮三聖殿賦

劉

放

臣伏見 陛下追述祖考崇奉明祀新作三聖殿以昭
孝明功于天下臣以文學中第太常試官祕書目覩盛
事不敢以鄙薄自絀輒作古賦一篇以歌詠盛德昔靈
光景福之作世稱其美麗然其所謂壯大不出乎彫刻
畫績文彩之煌煌而已又盛道工人之巧民力之衆材
木之多金玉之偉臣以謂聖王有作則必智者獻其巧
壯者輸其力山林不敢愛其材府庫之聚皆所供億也
是物理之常不足以夸大臣愚竊陋之若夫天命廢興

之際聖王授受之符非以敏智通達未有能究知其始終
者固難為寡見淺聞者道也臣竊大之是以略所陋而
張所大不敢仰希風人雅頌之列庶幾有其志云爾
蓋上帝之所選建明聖命以天位者乃所以享德而報
功焉未有德盛於前功播於後而其子孫寂寥千載无
聲者也賢哲所談六籍之天德莫著於有虞功莫隆於
五臣禹平水土夏姁以家司徒后稷是教是食肇商興
周歷載累百皐陶大理五刑以明于其苗裔乃興于唐
若夫董淳耀以攸司奏廢民之鮮食焚山烈澤害服妖
息鳥獸咸若草木允殖固伯益之力焉天報以位俾秦
周繼于其子孫誣祖不紹去火即水茲禮尚刑法以慘
急然猶兼六國一天下而不知變于初二世以斃非天
不相朕虞之後乃其不德得罪于祖而斷弃也惟伯益

之功未報是以大命集于趙氏焉五代喪德九土分裂海水橫流民用塗炭而昌熾黔首失職滔滔惑惑蓋若洪流之未闕於是 太祖乘火而帝繼益之功天祚吉土曰惟商立是為星火大辰之居亦曰明堂布政之由出潛離隱或躍在淵以有九有百度正焉削搗戡亂出民塗炭風指日舒天地正觀荆燕吳蜀楚越并奠懾威懷仁奔走失氣崛強者執服柔從者加賜太宗承之 真宗成之登封降禱矢直砥平巍巍乎邈三五而儔儷彼漢魏之瑣瑣曾何比宗夫伯益始掌火而底績而 宋以火帝與于火墟天之報施豈不昭昭可推而類也哉且夫積功以凝命而創業因物以胙土由土以建號樂以反初禮不忘其本是故作于原廟建之別都三聖鼎列大廈以居以答景貺以昭成功俾子

孫知厥所由位慰兆仰德而不窮也厥後烈風雲雨電雷震曜儆戒于下濫炎流燒天子休于大異反已正德伏念七年乃其六月得曰天以德訓子而以威震子依類託諭予敢不信上六政不變不足以化新禮不修不足以化民天之示人其石曰政禮之敝雖祖宗之為猶當勿憚乎改更於是詔二事飭九卿和布于舊載損載益以答天誠以舉聖職上八既天行而日白矣乃復闕宮獎夫神衷三右在天對地之上穹經之營之不日成之闕偉奇麗所以使宮寢之喻也清閑宵密鬼神之所都也繫百圍而置楹兮度一仞以架棟擇一木於萬章兮顧餘羨者猶衆般倮倮八之儔獻巧而林立兮莫不心競而費用亘長廊其如心兮闢重門其似洞鑿拱祭其如星兮侏儒屹其承重如輦斯飛如鳥斯革兮誠可標其將動闔

陰房之密靜。雖六月其必寒。闕陽祭之敬。麗方蓋中夜而已。旦涉。假除而涇上。方每百尺而一級。歷青瑤之塋。滑方曾不但何而側立。顧風雨之在下。方足以避。夫燥濕良非人力之所為。方宜鬼神之攸集。於是使夫設色之工。後素之工。乃想像形容。圖寫必効。夫其龍顏日角。天質之顯。昂方。乃今知真人之異表。於是駕鑿駘。登土蚪。千乘萬騎。雲動而景附。方想平生之豫。浙旂常。繽紛以絕。膏方鍾。訖軒轟。蕭管發而啁啾。雜魚龍之奇技。方蜿蜒曼延於。若。周百神紛而並迎。方出閭闔而御。夫龍舟爾乃川后。勳。波屏翳息風。舳艫相銜。若複道之延屬。方亘千里而。如。通百工備官。而風設。方棹夫。謹呼而奏功。惟告行之。工。二十方餘。日力而靡窮。既屆。既止。威儀若初。以幸。夫壽。乃即前。搢以脩祀事。威神如在。望之可。

畏殫金玉以備用。釐飛潛以薦味。惟帳筦簫。工之安肆。几杖筆研之儲。侍靡一物之蓋。闕方所以廣孝思。而盡心志。守臣侍祠。罔不彤飾。既事而旋。闕而莫覩。刻心之儒。倥傯之倫。迎神頌祇於其側。若夫祝融重黎相土。陶伯固已喜動乎魄。情見乎色。護清蹕而晞盛德也。魏蕭如大哉不可得而記已。且夫天命之不忘。人生之大寶也。祖宗之有繼。子孫之勿替也。茲聖王所以繼統垂業。超商。周。卹嗣錫羨。貽厥孫謀。使萬有千歲。得以晞風而承流也。遂作頌曰。崇崇商立。大火主。方曰。宋之興道。是配。方建邦設都。以有九土。方有皇上帝。明德輔。方伯益之功。邈不可忘。方三聖承承。有烈光。方奕奕。窺廟神。翱翔。方齊于萬年。尚無疆。方。

秋懷賦

劉攽

世量力以爲智。方孰不自師。其成心不強。短以彼修。方亦。

各濟其所任蓋周任之明清兮予嘗服於德音性專直其
 似愚兮遂底滯而廢沈惟古人有不遇兮亦奚慨於斯今
 背既冠而從仕兮冀陳力而帥職何日月之不淹兮憂憂
 至乎不惑世與我其異衷兮增余懷之默默數廢日而倍
 參兮願自竭而安得將奔而及事兮愧初心而亦多憂
 者之無術兮念俞濶而逾沒荷衆賢之并容兮曾介善之
 不遺辱與廉之末舉兮遂以造夫攸司君之門不可以徑
 入兮既待詔而登一時唯編心之狷狹兮樂緝墨其自持誠
 詭遇其有獲兮雖一得獸而耻之信天命之有在兮非智勇
 其孰勿疑時既秋而涼風兮草木落而變衰日月麗於西
 壠兮蟋蟀迅而鳴悲閱四序之代謝兮既逝者之如斯悼
 我心之弗獲兮起惆悵而稱詩
 宋文鑑卷第五

宋文鑑卷第五

賦

不寐賦

劉攽

拙賦

周惇頤

洛陽懷古賦

邵雍

灑頌堆賦

蘇軾

屈原廟賦

蘇軾

昆陽城賦

蘇軾

赤壁賦

蘇軾

後赤壁賦

蘇軾

秋陽賦

蘇軾

中山松醪賦

蘇軾

懷歸賦

沈括

黃樓賦

不寐賦

蘇轍

悅鬱邑其馮中兮何鑒寐其弗夷方永夜之未艾兮廓
靜處而長思悼既往之弗及兮慨來今之旬知緒將絕
而復續兮精發越而滛移倏四海其再撫兮泯萬耆乎
須臾武勝商而歸周兮天保定其千億叔且兼乎三王
兮仰勤思而有獲孔潛精於好學兮致憤懣於無益樂
好善而用魯兮孟見喜乎顏色仁弗遇於衛頃兮願奮
飛而不得翟相氛而見祥兮獻肇謀乎虞號彼遠慮之
與兮思兮智與愚皆從其職嗟民生之多艱兮嗟以心為
形於君子 有不安其命兮小民有度其力非蚊虻之嗜
膚兮曾內懷於大棘惟昔燕安之濛濛兮既悵然而獨寐
亮伐柯之不遠兮何內轅而窳固晞聖人之大覺兮綿

萬世而不遇幸曲肱而自怡兮庶無違於初度

拙賦

周慎

或謂予曰人謂子拙予曰巧竊所耻也且患世多巧也
喜而賦之

巧者言拙者默巧者勞拙者逸巧者賊拙者德巧者凶
拙者吉嗚呼天下拙刑政微上安下順風清弊絕

洛陽懷古賦

邵雍

洛陽之為都地居天地之中有終天之王氣在焉予家
此治平歲會秋乘雨霽與殿院劉君玉登天宮寺三寶
閣洛之風景因得周覽惜其百代興廢以來天子雖都
之而不得其久居也故有懷古之感以通諷諭諭君
玉好賦以賦言
秋雨霽日色清景方出秋益明何幽懷之能快唯高閣

之可憑天之空(廟)風之輕冷覽三川之形勝感千古之
靈爽乃眷西北物華之妍雲情物態一氣茫茫擁樓閣
以高下煥金碧之光鮮當地勢之拱處有王居之在焉
惜乎天子居東都此邦若諸夏不會要于方來不號令
于天下聲明文物不此而出道德仁義不此而化宮殿
森列鞠而為茂草園囿基布荒而為平野鸞輿曾不到
者三十餘年使人依然而歎曰虛有都之名也噫夏王
之治水也四海之內列壤惟九而居中者實曰豫州荆
河之北此為上流周公之卜宅也率土之濱建國為萬
而居中者實曰洛陽灑澗之側此唯舊邦迄于今日二千
年之有餘因興替之不定故靡常其厥居我所以作賦
皆閱古今變易之時述興亡異同之迹追既失之君王
而後求之國家也噫太昊始法二帝成之三王全法參

用適宜伊六聖之經理實萬世之宗師我乃謂治民之
道於是乎大盡矣逮夫五霸抗以七雄駕威漢之興乘
秦之弊曹之擅幸漢之衰始鼎立而治終三分而曠晉
中原之失守宋江左之畫畿或七齊而驛魏或道陳而
經隋自元魏廓河南之土植六胡之風物李唐蟠關中
之腹孕五代之亂離其間或道以四而得民或兵強而惜
下或虎吞而龍噬或鷄狂而犬噬或創業於艱難或守
成於逸暇或覆餗而終焉或包孕而振者故得陳其六
事雖善惡不同其成敗一也其一曰大哉德之為大也
能潤天下必先行之於身然後化之於人化也者効之
也自人而効我者也所以不嚴而治不為而成不言而
信不令而行順天下之性命育天下之生靈其帝者之
所為乎其二曰至哉政之為大也

於身然後教之於人教也者正之也自我而正之者也
所以有嚴而治有為而成有言三信有令而行拔天下
疾苦遂天下之生靈其王者之必為乎其三曰壯哉力
之為大也能教天下必先豐府庫于時倉箱銳鋒鏑金
湯嚴法令于烈火肅兵刑于秋霜和棟民聽于上下相夷
心于外荒其霸者之所為乎其四曰時若傷之于隨失
之于寬始則廢事久則生姦既利不能勝言故况得以
疾賢是必薄其賦欲欲民不困而民愈困省其刑罰欲
民不殘而民愈殘所致之之道也馬缺缺既上下以交
任之以民事之以察始則烈烈然虐乃恩信之見奪是必峻其刑
厚其賦欲欲國不竭而國愈竭其六曰水旱為沴年歲豐虛此
致之之道失其末矣

能無蓋有備而無患不得中者加以寬猛失政重輕逸
權不有水旱而民已困而况有水旱兵革焉所謂本末
交失不亡何待天下有成敗六焉此之謂也君天下者
得不用聖帝之典謨行明王之教化士可殺不可辱民
可近不可下上能撫如子焉下必戴其后也仲尼所以
陳革命則抑為人之匪君明遜國則杜為人之不臣定
禮樂而一天下之政教修春秋而罪諸侯之亂倫刪詩
以揚文武之美序書以尊堯舜之仁贊大易以都括與
六經而並存意者不可以地之重易民之教不可以民
之教悖天之時必時教之名備則居地而得宜是故知
地不可固有之也君上必欲上為帝事則請執地道焉
中為王事則請執人道焉下為霸事則請執地道焉三
道之間能舉其一千古之上猶天掌焉則是洛之典也

又何計乎都與不都也如欲用我吾從其中

灤源堆賦

蘇

賦

世以瞿唐峽口灤源堆為天下之至險凡
咎於此石以余觀之蓋有功於斯人者夫
而至於灤源漫漶汗橫放於大野而峽之
其十一首先無以齟齬於其間則江之遠
盡銳於瞿唐之口則其險悍可畏當不啻
之賦以待好事者試觀而思之

覆舟者皆歸
蜀江會白水
小六曾不及
來奔騰迅快
於今耳因為

天下之至信者淮水而已江河之大與海
意揣唯其不自為形而因物以賦形是故
有必然之理掀騰悖怒萬夫不敢前兮宛
人之所使予泊舟乎瞿唐之口而觀乎灤
後知其所以開峽而不去者固有以也

三源而可以
丁公萬化而
恐聽命惟聖
限之崔嵬然
亡遠來兮浩

漫漫之平沙行千里而未嘗阻礙其意驕逞而不可
摧忽峽口之逼穿兮納萬頃於一盃方其未知有峽也
而擊乎灤源之下宜極震掉無乃力以與石鬪勃乎若萬
騎之西來忽孤城之當道鉤深而衝畢至於其下兮城
堅而不可取矢盡劍折兮遠遷而東去於是滔滔
汨汨相與入峽安行而不敢怒也夫物固有以安而生
變者亦有以用危而求安得吾說而推之兮亦足以知
物理之固然

屈原廟賦

蘇

賦

浮扁舟以適楚兮過屈原之遺宮覽江上之重山兮曰
惟予之故鄉伊昔放逐兮渡江濤而南遷去家千里兮
生無所歸而死無以為墳蘇夫人固有一死兮處死之
為難徘徊江上欲去而未決兮俯千仞之驚濤賦懷沙

以自傷兮嗟予獨何以爲心忽終章之慘烈兮逝將去
此而沈吟五言豈不能高舉而遠道兮又豈不能退默而
深居獨嗷嗷其然慕兮恐君臣之愈踈生既不能力爭
而強諫兮死猶冀其感發而改行苟宗國之顛覆兮吾
亦獨何愛於久生託江神以告寃兮馮夷救之以上詩
歷九關而見帝兮帝亦悲傷而不能救懷瑾佩蘭而無
所歸兮獨惻惻乎中浦峽山高兮崖鬼故居廢兮行人
哀子孫散兮安在况復見兮高臺自子之逝今千載兮
世愈狹而難存賢者畏譏而改度兮隨俗變化斷方以
爲圓暄勉於亂世而不能去兮又或爲之臣佐變丹青
於玉璽兮彼乃謂子非智爲高節之不可以企及兮
且夫人之不吾與違國去俗死而不顧兮豈不足以免於
後世嗚呼君子之道皆不全兮又全身遠害暴或全兮嗟

子區區獨爲其難兮雖不適中要以爲賢兮夫我何悲
子所安兮

昆陽城賦

蘇

軾

淡平野之靄靄忽城之如塊風吹沙以蒼莽悵樓櫓
之安在橫門豁以四達故道宛其未改彼野人之何知
方偃僂而睡寐嗟夫昆陽之戰屠百萬於斯須曠千古
而一快想尋邑之來陣兀若驅雲而擁海猛士扶輪以
蒙茸虎豹雜沓而橫油頃罄天下於一戰謂此舉之不再
方其乞降而未獲固已變色而驚悔忽千騎之獨出犯
初鋒於未艾始馮軾而大笑旋弃鼓而投械紛紛籍籍
死於溝壑者不知其何人或金章而玉佩彼狂童之僭
竊蓋已旋踵而將敗豈家傑之能得盡而井之無賴貢
符獻瑞一朝而成羣兮公就死之何怪獨悲陽之叢生

懷長才而自澆豈不知其必喪獨非四山之美也
而一弔增志士之永慨

赤壁賦

壬戌之秋七月既望蘇子與客泛舟遊於赤壁之清
風徐來水波不興舉酒屬客曰明月之詩歌窈窕
少焉月出於東山之上徘徊於斗牛之間白露橫
光接天縱一葦之所如凌萬頃之茫然浩浩乎如
遇而不如其所止飄飄乎如遺世獨立羽化而登仙
於是飲酒樂甚扣舷而歌曰桂棹兮蘭桴空明兮
流光灑灑乎予懷望美人兮天
歌而和之其聲嗚嗚然如怨如慕如泣如訴餘音嫋嫋
不絕如縷舞幽壑之潛蛟泣孤舟之嫠婦蘇子愀然正
襟危坐而問客曰何為其然也
曰月明星稀烏鵲南

飛此非曹孟德之詩乎西望夏口東望武昌山川相繆

鬱乎蒼蒼此非孟德之困於周郎者乎方其破荊州下

江陵順流而東也舳舻千里旌旗蔽空釃酒臨江橫槊

賦詩固一世之雄也而今安在哉况吾與子漁樵於江

渚之上侶魚鰕而友麋鹿駕一葉之扁舟舉匏樽以相

屬寄蜉蝣於天地渺浮海之一粟哀吾生之須臾羨長

江之無窮挾飛仙以遨遊挾明月而長終知不可乎驟

得託遺響於悲風蘇子曰客亦知夫水與月乎逝者如

斯而未嘗往也盈虛者如彼而卒莫消長也蓋將自其

變者而觀之則天地曾不能以一瞬自其不變者而觀之

則物與我皆無盡也而何羨乎且夫天地之間物各

有主苟非吾之所有雖一毫而莫取惟江上之清風與

山間之明月耳得之而為聲目遇之而成色取之無禁

用之不竭是造物者之無盡藏也而吾與子之所共食
客喜而笑洗盞更酌有核既盡杯盤狼籍相與枕藉乎
舟中不知東方之既白

後赤壁賦

蘇軾

是歲十月之望步白
泥之坂霜露既降
樂之行歌相答已
清如此良夜何客
似松江之鱸顧安
斗酒藏之久矣以
於赤壁之下江流
曾日月之幾何而
巉巖披蒙茸踞崖
豹登虬龍攀柝鴈
之危巢俯馮夷之

幽宮蓋二客不能從焉劃然長嘯

草木震動山鳴谷應

風起水涌予亦悄然而悲肅然而
反而登舟放乎中流聽其所止而
寂寥適有孤鶴橫江東來翅如車
鳴掠予舟而西也須臾客去予亦
翩僊過臨臯之下揖予而言曰亦
各倦而不吝嗚呼噫嘻我知之矣
我者非子也耶道士顧笑予亦僊

休焉時夜將半四顧
輪玄裳縞衣戛然長
就睡夢一道士羽衣
壁之遊樂乎問其姓
疇昔之夜飛鳴而過
悟開戶視之不見其處

秋陽賦

蘇軾

越王之孫有賢公子宅於不土之
告東坡居士曰吾心皎然如秋陽
陽之清吾好善而欲成之如秋陽
欲刑之如秋陽之隕羣木夫是

里而詠無言之詩以
之明吾氣肅然如秋
之堅百穀吾惡惡而
樂而賦之子以為何

如居士笑曰公子何自知秋陽哉
遊於朝廷之上出擁大蓋入侍
涼而已矣何自知秋陽哉若子者
淫也雲承雨泄雷電發越江湖為
郭魚龍入室菌衣生於用器蚌蚶行
遷書燂衣而三易是猶未足病也
禾已實而生耳稻方秀而泥蟠澁
垢落無之塗目泣濕薪之煙金甌
鳴於戶庭婦宵興而永歎計無舍
年忽金星之雜出又燈花之雙照
奴婢喜而告予此雨止之祥也及
其不芒矣浴於暘谷升於扶桑角
屋梁矣方是時也如醉而醒如痴
如夢而醒如寤而起行如

還故鄉初見父兄公子亦有此樂
不身履而可以意知也居士曰日
然而炎非其虐穆然而温非其慈
者也云何以夏為盾而以冬為表
喜彼冬夏之畏愛乃群狙之三四
居不障戶出不御笠暑不言病以
拊掌一笑而作

中山松醪賦

蘇軾

始予宵濟於衡漳車徒涉而夜號
宿於亭臯鬱風中之香霧若訴予
質而死斤斧於鴻毛効區區之寸
文章之糾纏驚節解而流膏膏作
可曹收薄用於桑榆製中山之松

爾螢燭之勞取通明於盤錯出於
皆熟沸春聲之嘈嘈味甘餘而止
甘酸之易壞笑涼州之蒲萄似玉
丞羔酌以瘦藤之紋樽薦以石盤
何覺天刑之可逃投拄杖而起行
山之咫尺欲褰裳以遊遨跨越峯
孫遠從此而入海眇翻天之雲濤
仙之羣豪或騎麟而翳鳳爭楫挈
淋漓宮錦袍追東坡而不可及歸
於齒牙猶足以賦遠遊而續離騷也

懷歸賦

沈括

歸休乎嗟生亦勞兮歲常九行而
兮欲終往而安即披荆榛以孤

顏以坐入孰為眠而朝食聲
之綿邈高浪鱗卷而電劃兮近不保乎咫尺嗟乎子乘
此而安之兮託扶搖以寸翮吾一念子之往兮意久兀
碑而屹栗彼夫人之聖哲寧有欲乎顛蹄摩冥冥之無
窮抽萬世之潛默雖皎中而自信亦終墮坎而莫覲來
之不可與謀兮果去亦庸何傷既振轡而大驅兮蓋倡
佯其所適期無羨於古人兮苟亦善吾之令德終曠蕩
之可驥兮信幽履之不惑

黃樓賦

蘇轍

熙寧十年秋七月乙丑河決於澶淵東流入鉅野北溢
于濟南溢于泗八月戊戌水及彭城下余兄子瞻適為
彭城守水未至使民具畚鍤畜土石積芻芣窒隙穴以
為水備故水至而民不恐自戊戌至九月戊申水及城

下者二丈八尺塞東西北門水皆自城際山兩晝夜不止子瞻衣製履屨廬於城上調急夫發禁卒以從事令民無得竊出避水以身帥之與城存云故水大至民不潰方水之滯也汗漫千餘里漂廬舍敗冢墓老弱蔽川而下壯者狂走無所得食槁死於丘陵林木之上子瞻使習水者浮舟撒載糗糧以濟之得脫者無數水既涸朝廷方塞澶淵未暇及徐子瞻曰澶淵誠塞徐則無害塞不塞天也不可使徐人重被其患乃請增築徐城相水之衝以木提捍之水雖復至不能以病徐也故水既去而民益親於是即城之東門爲上樓焉堊以黃土曰土實勝水徐人相勸成之轍方從事於宋將登黃樓覽觀山川弔水之遺迹乃作黃樓之賦其詞曰
子瞻與客遊於黃樓之上客仰而望俯而歎曰噫嘻殆

哉在漢元光河決瓠子騰感鉅野衍溢淮泗梁楚受害二十餘年下者爲汙澤上者爲沮洳民爲魚鼈郡縣無所天子封祀太山徭徠東方哀民之無辜流死不藏使公卿負薪以塞宣房瓠子之歌至今傷之嗟惟此邦俯仰千載河東傾而南洩蹈澶之遺害包原隰而爲一窺吾壩之摧敗呂梁齟齬堵絕乎其前四山連屬合圍乎其外水洄洑而不進環孤城以爲海舞魚龍於堤壑閱帆檣於睥睨方飄風之迅發震鞀鼓之驚駭誠蟻穴之不救分閭閻之橫潰幸冬日之既迫水泉縮以自退樓流枿於喬木遺枯蚌於水裔聽澶淵之奏功非天意吾豈賴今我與公冠冕裳衣設几布筵中酒相屬飲酣樂作開口而笑夫豈偶然也哉子瞻曰今夫安於樂者不知樂之爲樂也必涉於害者而後知之吾嘗與子馮

茲樓而四顧覽天宇之宏大繚青山以為城引長河而為帶平阜衍其如席桑麻蔚乎旆旆畫阡陌之從橫分園廬之向背放田漁於江浦散牛羊於煙際清風時起帶雲霞對山川開闔蒼莽千里東望則連山參差與水出馳羣石傾奔絕流而西百步湧波舟楫紛披魚鼈顛沛没人所嬉聲崩震雷城堞為危南望則戲馬之臺巨佛之峯巋平特起下窺城中樓觀朝朝鬼我相重激水既平眇莽浮空駢洲接浦下與淮通西望則山斷為塊傷心極目來熟禾秀離離滿隰飛鴻羣往白鳥孤沒橫煙澹澹俯見落日北望則泗水漫漫古汴合焉匯為濤淵蛟龍所蟠古木蔽空烏鳥號呼賈客連檣聯絡城隅送夕陽之西盡導明月之東山金鉅薄於青嶂陰氛為之辟易窺人寰而直上委餘彩於沙磧激飛楹而入戶使人體寒而戰慄息洶洶於羣動聽川流之蕩滂可以起舞相命一飲千石遺弃憂患超然自得且子獨不見夫昔之居此者乎前則項籍劉戊後則光弼建封戰馬成羣猛士成林振臂長嘯風動雲雨朱閣青樓舞女歌童勢窮力竭化為虛空山高水深吾子生故墟蓋將問其遺老既已灰滅而無餘矣故吾將與子弔古人之既逝閱河決於壽昔知變化之無在付紅酒以終日於是衆客釋然而笑頽然就醉河傾月墮誰為扶而出

宋文鑑卷第六

賦

感山賦

崔

伯易

客有為予言太行之富其山一名曰主母一名女媧或於此煉石補天今其上有女媧祠因感其說為之賦其辭曰

曲轅先生從先大夫之南征省黑許於紫霄訪武王於朱陵授羅浮之隱書頓三茅之袖英自肩淮泗之濱閉關弦歌與世無營一日梁國公之銅鞮處士闐然踵門悅然相親曰先生倦游者矣祈有異聞先生不對宿請愈勤於是為論山中之物山中之民敘山中之遺懽詠山中之淳文二客相視而笑曰先生唐相之家族蕃西京京於吾鄉駕財累程連巖高山見于羣經茲其不言

疑未之行試為先生陳之何如公子贊之處士曰夫坤厚之勢猶一人之體豈備為之首自首而下峽巒屹嶠無復平地陵轢百國有陰山焉二千餘里北為戎狄南為古聖之所治測中言之殆正口國之乾位昕天銅渾周解保章參地之形茲為最詳正樞星下開冀方逢胃而畢自柳以張亂則冀安弱則冀強起為名丘文為平岡歸乎其尊其名太行挾大其高也灑迤而上始莫知其駭實與夫天當其深也繚繞盤左轉垂三月而見春盛連延盡而此山也吾莫知其所極鉤壤連如彼大川洲維浦若若鞍者曰鞍山突然若竈山

者方山如此之類名何可堪星星察而知驥之貴尸俊過而辨牛之難穆王升由坐道而出世宗行自大河而還孝明嘗登幸上黨郡章立以游至天井關孟德北上紀摧輪之恐謝公西顧引惠之端阮籍失路而詠懷劉峻懷交而發嘆歸晉陽之惠之便道對二坂祖潛之祥觀開元錫問於逢車武德置縣而當煩霍襄吾襟共附吾肘纏午壁之勢探長城之口天門揭其部分烏嶺支其躡踪姑射王屋隆慮雷首靡迤嶽岑參錯釘鉅或拱其左或捧其右或導其前或替其後讓以奇巖貢以重岫曾夸娥之輸力攤大帝之寶授上曉暖芳鵬擊下砰磕号鯨聞又若王畿之外工等諸侯奉命守土率屬千萬悉面內而騰轆此山之也汾潞丹洹漳池潏易涑沁淇潼清源濟澳奄向將山縱橫激激安陽巨馬出

其夸白絮北泳度其液觸遙巨以孤引激榮光而歷慕
凝染漸漬哀青貯碧此山之容也莫荒有神開社有伯
以風主威以雲主澤麟手煬陽覆手霹靂近廢百城遠
霈萬域暴暑亟寒暗天一白煙不得為瘴氣不得為疫
豈其幽深也深其欲而難期其兵合也合其力則無敵
此山之氣候也軒后以來至于成王自時建都遷徙不
常遠近表裏其陰其陽春秋之前封國既多春秋之後
唯晉為疆大抵以兵為阻以險為防守不敢弛戰不敢
忘越至卑耳而齊桓以霸一入孟門而平公幾亡燕趙
中山衛韓與魏或主山東或主河內或主山西或主河
外或城其隈或據其會且或保作咽咽或恃為腹心屯留
有常阻山陽有常界跬步之例萬人死之復驅萬人而
地不少退如羅斯林如虬斯壑左廂右睨瓜牙鋒鏑乘

間薄人肝腦塗地以塞旗虜將而為樂不然假息竊視
扞以城郭從姐歌兒名珠重璞不敢不獻雖欲藏之亦
終歸乎攫搏駭乎哉固嘗一朝之中一舍之間亭四十
餘萬之衆築頭顱之山舉長平為鼎鑊舊壁荒城豆分
其錯今千餘年幽法寂寞此山之勢勝也當時雄豪迭
指交臂行野者非無示其野逐獸者非即其獸裴徊陵陸
論陞陔阜裁約六國駐睨九道孰為龍首孰為天竈向
牛孰徒立木孰違吳械孰便憑倚孰厚東西孰廣南北
孰為地孰尾為巔孰嚼孰方孰圓孰北孰牡衝輪孰
孰為馬孰懸孰利龔菴菴孰利藏覆孰此出擊孰此入寇
孰可徒搏孰可騎驟孰可啗誘孰可斥候孰可接戰孰
可挑鬪孰最恐夜孰不欲晝勝此孰遂敗此孰救佯遁
孰止乘亂孰走孰要孰以通孰閉其後記省在目陳說在

谷響最下者簞糧載十一日中而馳百里鳳臆蘭筋探前
扶後何止乎蹄間三丈馬之所施險之所依有德者然
後能之其或守之不以道用之失其宜則是二者在所
為盜賊之資司馬侯生曰晉侯以先生之不務者非棄之
也而兵起言商紂之國志有激於當時何則宣帝死先
零金城而終貽漢患武帝倚元海并州而俄傾晉基自
後聰曜石勒姚萇季龍元魏高齊諸苻慕容呼侶肅類
提羗占戎或屯於定襄或保於居庸或建都鄴下或渡
軍河中或改元離石之北或僭號沙河之東胡塵一踰
三關遂空長安之城洛陽之宮搖響長驅傳國都而扼
蹤暴衣冠於金以宗廟於好更帝迭王抑為盛衰
其四方高門不可但行而書者凡幾戰而幾攻由是觀之
為

朝遂使天下之人親戚離散一百二十六載

挂性命於兵鋒此又當世賢人君子登高慮遠所宜追述為
萬世深誠者也當彼之時國中窳而山中害天下危而山
中安外儉人苟容以次營官方內浩歌乎考槃外吁嗟愁
涕之辛酸方內遊鹿豕其方歡外窮奢極侈以相殘方
方內交讓乎瓢簞外仍樵縮劍以衛寃方樂天其盤相
仁智所依仙聖其迹其動如龍非迅雷烈風不起其出
如鳳非醴泉甘露不食服皇媧之妙道藏補天之神石
或餌木而採芝或吞陽而嗽液或自耦於熊鉤或偶懷
於老易引公和之餘韻振文舉之歸策琳王二老猶自
輕之士壺關令孤殆之言之客至精元以友造化緒餘
尚足以治萬國此其山之隱逸也即以仰之首名歸山
岭營紆餘嶢嶸在丹顏曳泉紳之飄飄東雲衣之迴還積
衆精於寶堯穆靈氣於天丹矗靈霞之朝覆露光恠之

宵環其金則銀盃盞鏡鏤鏤鏤鏤其玉則瓊玖瑋珀瑤
琪瓊瑤石蓄綠而青碧珠玫瑰而木難餘琅石脂之瑤
破精聖理長之爛端陰映宛倚穹注蟠聯絲締氈綱鉞
益銅鑿備先賦之不名距三方而祖繁復有紫沙黃霧
神鋼是取逗落液於庫潤萃堅英於弱土播蚩尤之遺
勇回歐治之靈顧下分攝乎百源上夾輸於六務此其
山之琛賂也其鳥五色在雁鳥爲生峻嶒貌如秋胡月明
星句撥利戟足卷枯荆鵲趨鵲隨往還青真木樞則鶴
鷗鷗鷗水止則鷗翠鳥鷗殊種詭類莫可殫名其狀如
麋有距四角馬尾聲若鍾磬石以出爲瑞赤虎文豹黃熊
封豕麇鹿瑞纒行搏坐啞草則紫團之葭勤岳瀾雷麇
銜牡蒙莖容首烏牛膝豹足龍沙虎須赤節紫倩如雷
此胡雲英玉支解蠶菴閻鹿腸鶴虱彭根屈据澤態天

標芳臭粉敷或同葩異實或冬榮暑枯或珎傳太一
用講史區木則有榛有栗其桐其椅篁篠懷風桃木
蹊梗柗楓檜思仲蕪莢梓漆樞栲青檀紫葳從憶之
棠榴檉黎陽檣檠桑枌榆桤楓交抵並節韜唐之
緣中材實資療肌松栢千歲蹇金石姿彌根前之峰
落影千丈之溪孤幹直出百尋而後有枝遠而望焉或
如翔鸞或如蟠螭其大蔽牛其圓中規參差樛柗下隔
百步猶穆夏而相羈公子瞿然曰陸產之成僕知焉不
若是之詳也且聞之漢甘泉肇於武帝唐含元建於高
宗或決事於上或受計其中始用材之有餘終興利於
無窮 陛下臨御以來四十餘年未聞圖苑囿之觀士
木之工戶牖朱綠之飾詔五歲而一易服玩帷帳之具
雖屢補而尚供四方黎元自視怙然咸願獻力京師進

而不復言而五代不綱之時其迹甚明而可以數朱梁失守則晉人南下而急攻河陽師厚不死則魏博六州據山口之路莊宗之禍由鄴郡而起清泰之敗緣上黨之助蕃戎陷相而石滅鄴兵過河而劉去或羣盜乘隙而並出或前軍自此而先渡河東之舉昧李驥疾度控孟津之策世宗之征賴車駕倍程有南平之遇可畏也如人懷心腹之疾難去也如木受根抵之蠹故吾

太祖皇帝之興也踐祚五月親平澤路念賊失仲卿之計不兩下而直趨懷孟而我用回洪之言速濟河而擊其未聚離穴成擒吳祚之前禍空無難色李氏之深論如洪波薄江借海以為力大震擊與電而俱赴交廣閩蜀之區准海江漢之墟彊侯暴王襲頓踰躡納士稱臣冠佩聯聯雖天命之所在亦主威之使然其勢如此

猶藏太原謝將伏 戎十有九年 太宗之弔伐也

為林轉糧如川 石嶺之應刻隆成之堅躬擐甲宵露鋒易弦晝夜圍督 兵師爭先壓之以天下之重然後始能破焉迨我 旨宗撫養其人留蹕授關南之師促使

益安陽之屯許其 勇之通和勅猛將之疏軍以至

陛下仁風德澤扶 道守長養喻八十春賦不聞竭其才力未嘗疲其身意辯 者不知約從連衡之謀尚勇者不知

收城奪邑之勤室 家熙熙老於耕耘如養虎者不與之全物賞先至者不 首於一津效柰何合之深山觸鷲猛

而為勅敵之怒心 懲鑿棘於若南國之茶海濱之益千百良民化為頑兵 或蒙欲而拒捕或負恃而貪凌始追

罪而羣亡終盛氣 而橫行鎮之常負則威有所不足列之大誅則民轉相 辰驚陸機謂興利不足以補害君焉

孰懲公子曰不然言初生民禽獸雜居無機械以存食
無衣裳以被軀累重衣之脩其所無鑽燧取火鑠金於
鑪銑以鋒刃俾持以逐逐其虫蛇創其室廬刻木成舟
結繩為眾刻木為矢弦木為弧以飲以食以畋以漁服
牛輅馬紡績鑊鋤後土因之訖今以娛安有至治之世
導民以利復爭亂之是虞太公封齊熊繹封楚魚鹽之
義山林之阻公一發之民往如鷲不數十年而楚以富
彼諸侯之國民且守法豈天下之廣人或敢侮調發存
邑里之籍出入視保伍之名爵之守令之良護以使者
之能蓋建隆初興通鑑之役奚今日之政姑息而艱行
是有司不復舉因民之利四方無時有可也方之氓弗卹
所治之法何如而已亟此禁山摧海之圖疑所思之未
明處士曰君不聞天子之建宮乎猷江陵之塊幹空籟

林之巨樹山思見榮而修其後斥緝而容與青帝執
規白帝司矩攝禹朱之魄觀其微經捨僮繭之神明其
斤斧裁曾鎮以為址判湘山以為礎趨步而龜鳥正吐
咤而虹蜺奉日星覆重掄雲縮万堵塗以齊藉壁以號土
華薦金石之美梁修牙角之賦揚瑤琨與織日荆器丹
而箇幣蒙羽之織縞潤澤之泉紵優尊而百油六樂華
國則東房西序邦賄豐息寧主是耶公子曰咭上方
東被于流求西薄乎羊同南暢于訶陵北愴立空峒積
擊鴻臚填貨大農天人之交何求而不乞徒念覃懷之
咸三河之衝濬斷乎滄溟昔柘乎犬戎齊楚歐越魯鄭
巴邛轅有所不適撤有所不通重兵之常處列城之所
宗將帥之治守詔使之過從壤地所生衣食所庸不疲
其貲即疲其力不出於官則出於農帑帑焉而之府焉而

空或驕陽淫雨之災或成發備河之逢流離其民易資
泉雄或陰會於朋仇或椎埋以成風故先諸權俾怡其
衷禹散歷山之金而贖賣子之虐湯鑄莊山之幣而救
無糧之凶林先君不足以說士非首衆不足以就功如
彼泉源我發其蒙如彼委藏我啓其封設坐視天財而
不知發猶有此民而不足以爲兵徒示二虜之涵容處士
曰君知其一未覩其二琉璃之河華林之莊昔居臣民
今游犬羊然黠虜奚民視此而莫敢乘焉吾非有以守
之殆由天設于上公帝限乎豺狼若古之何侵而夷之以
紆其行餌之可欲以發其任義未聞聞於灌瓜兵或與於
手桑投藹生心文子之至喻牛甘必聞管堅之所量國
家近邊雖上腴之地久禁而不耕所棄甚輕爲利甚明
發丁以通驛隋政之已失治氣而未盡魏室之旋傾彼

烏足陳於治朝或山東之兵三十五將之師君所聞也
請置其說公子曰大農之家不患穿墻而憂困吝善賈
之行不念眩篋而指金珠備得其術則害何能擾利果
大入則小或可踈今防秋之兵不寄之士豪而歲起也
成繕治之物不蓄於逐州而聚于京都不募人訪銅而
私或自鑄重給民贖土而爭糶於明遺計若此庸爲利歟
由衆人焉南牧之慮將智者考北伐之途推石傅土突
其成功束馬懸車昨乎能事突必燕樂指范陽涿郡三
道之師直壓懷柔拒堯北石門四兵之勢引輕軍發卷
夏之東穴出奇道斬匈奴之右臂二客易辯既久色相
不平抗袂俱起曾于先生先生顧然而笑適然而興曰
坐吾告汝夫有財而無道者之言也取而不以先
生之制無法者之言也若吾聖人之深惡不順乎冬

夏不相乎陰陽禽獸之類暴虐之誅歲不時而源枯
不禁而山傷逆于天不降為災作則雖傳道之人豈容
無責哉古者大德大功之人天子尊之公侯之爵殊其
奉養之方功厚者享亦厚德長者報亦長惟之四海之
內入為公卿出為牧伯盛不過數十土地所育人民所
藏其貨易供其財易當然報非天子之獨私焉蓋天下
皆樂其有以報也故其民賢者勉焉以脩其業愚者雖
甚欲焉而無敢望其志易平其勞易償今高賞大姓之
家列肆侔於府庫卽第羅於康莊金緝米綴鍍剽焜煌
被以黼繡裹以雕墻狗馬奔齊民之食飲盡安廢士大
之衣裳宿昏祠葬隳敗紉網通吏買法陰虛陸梁其憑
荒負險之民擅彌山絡野之疆畜奴如兵占田論鄉主
通秦寇者攸眾寶龜藏甲者為常州縣史私為之說

察鄉亭部夫公隨之奮攘是天下山林之出除公上之
賦守令吏寺略有常制每郡每邑宛轉糜潰輸幾侯而
幾王疆桀相師極欲為威怒網而川貧笑斧而林飛孰
察諸利剥水火之遺製孰恤乎堅釋曲直之所宜積之
徒多而器用殊寡舉之或遠而民資自疲富者售之益
輕貧者勞而愈微誓窮原藪乏饒而况膏腴之歸乃方
乃州或蝗或饑民以為災而彼反為宜從是其氓匿稅
併田之不暇益令羣猾藏租隱地之無疑南方諸山非
復昔時材不愛而木不蕃而獸不滋迨有千里不毛裹
餓莫支是天地陰陽晝夜長養猶不能以充其欲則吾
民何負獨為狸而畜雞蓋馭民無予奪之政厚生無發
斂之期萬物失由儀之道四海發崇丘之詩或者縣官
列膠幹皮羽之須營棟宇舟車之材上苛之以敲筭下

撓之以追催索之于邇則此既莫有求之于遠則險孰
能來方此之時時蓄之家雖相比明固所以制百姓之
命暮年而篡其業更歲而竭其財如是不已饑寒怨愁
不委於溝壑則聚為盜賊非此二者吾不知其安所為
哉始於傷財則終於害民察其蠹國必固乎亂俗故國
家以皇祐之版書較景德之圖錄雖增田三十四萬餘
頃返減賦七十一萬餘斛由是言之上地財利名制約
束不用先王之法其為弊也民失其平若之何而可復
高者愈貪而肆地豕下者抵禁而趨口腹刑罰日增裁
害日續蓋兼并不去不足以誣政制度不立不足與言
治禁錫存省米之說賤肉有愛牛之意此言雖小可以
推類事為之法物為之制數畧之得非不多也先王禁
之以其傷生原蠶之利非不博也先王禁之以其害氣

果實未熟不中刈用器不中度禽獸不中殺鬻於市
者執而有罰不以甘不時不順其教捕一禽折一草謂之
不仁斷一樹伐一木謂之不孝公卿大夫羣士黎庶居
室有品器械有度車馬有等衣服有據飲食有常味人
徒有常數戮民不酷以服纒君子不覆絲屨為農者不得
為工為士者不得為賈天王之尊也合圍猶惡其盡物
諸侯之貴也殺牛豕以戒於無故小既無越大豈容負草
木鳥獸而舜以命堯水火土穀而堯以任禹名山大川
縱封國而不盼至甘六漆林獨二十而征五著于後王脩
之愈明典之於天官圖之於地卿任之九職之事辨其
五物之征主山而有虞主林而有衡中士下士贊其政
令府史胥徒頌其詔以行斜祭而弓矢陳隼擊而爵羅興
司險達其道路山師辨其物名鷩獸在前充氏火物而

誘之出阱獲既設百六氏伐鼓而使之驚然後萬民隨之
詔焉以程斬材者有口期月竊木者有常刑至于金玉錫
石州人之專取犀象不麋鹿角人之所登率避其孽育以
待其豐成必以其時表少王稱其大順不可勝用孟軻陳其
養生貴賤有差六哭五輅之資民得而無所用興造不
妄五金六材之屬民以用而無所傷禁發之有期重輕之
有常天生時而寒暑日平地生財而品類昌碩以盆鼓蕃
以谷量暴暴如山兵一渾渾如河江山出銀甕舟甕極聚
麒麟鳳凰追前世之盛被于此時以吾君之聖方諸先
王陶唐之二宮姚唐之總章商人之重屋周人之明堂
雖有眉者苟愛惜朝夕期有以必類也子之言曾何比
今於漢唐 陛下慈仁如天廣厚如地任臣則勿疑聞
諫而必喜賞罰不濫一切愛乎民命終祀罄虔動交乎天

社遠民之弊雖守臣不知而知之甚詳克己之誠在匹
夫難行而行之甚易至其五帝憲老之禮三王觀風之
制六典建官之法三適進賢之例患有司不得其術不
患朝廷之不行患臣下不奉其職不患信任之不至今
也輔相大臣左右良士重君子為臣去就之節思古人
得君功烈之致施以善俗為本學以力行為貴居朝廷
不以先後持其嫌守藩鎮不以內外疑其勢同德一心
齊力協議臯陶謨而矢契後之業伯夷讓而中夔龍之
志以共察天下之善不使一日蓋虛驕士之黨以共收天
下之傑不使有如功藏賢之吏以衆人之目為耳聽衆
耳之所不聽以衆人之目為目視衆目之所不視授百
司因革於吏而總其成績示三邊軍賦於將而責其必
治法制素具東南既饒天府宏壯訓練有時吳越皆霸

王之兵朝令乎西西納十四州之地夕使乎北北歸十
三州之城渾然臨之以至健 頌然嚴之以不傾伊洛之
水畫乎其前戎夷畏之踰黃河之湍立埳之山篲乎其
旁戎夷阻之甚太行之橫與世邀近功於一山增衆糝
之弊牽危疑於往代泪因循之名使王者之興百有餘
年神聖在位而仁愛之澤獨未及於禽獸草木曷可同
世而語哉二客離席跼蹐媿謝不敏請為弟子既而少
進曰問阜財得阜民之法問治山得治國之風且昔者
將大有為之君必有所不召之臣欲有謀焉則就之不
得已而後起有學焉而後臣者古不可得而臣者今山
之隱逸亦如是而後至乎曰莫可得而知也神農之於
悉諸黃帝之於崆峒顓頊之於結繩 嚳向辛之於相招帝
棄之於務成帝舜之於尹壽禹之於國 先生湯之於伊
尹文王之於鬻熊武王之於山向父周公之於號叔齊桓
之於管仲然尊德崇道說者如此也吾觀之彼數子者
之心將如是而已乎莫可得而知也二客况若自矢
再拜而罷

宋文鑑卷第六

宋文鑑卷第七

賦

珠賦

崔伯易

煎茶賦

黃庭堅

別友賦

黃庭堅

汴都賦

周邦彥

珠賦

崔伯易

高郵西北有湖名鏡社近歲夜見大珠其光屬天嘗問諸漁皆言或遇於它湖中有竊謀之者則風輒引舡而去終莫能至賦曰

萬物之精上為列星其在下者因物而成形故天下之億寶不妄其所託物之主實內鍾乎神靈吾嘗臨東海旅南溟泛淮江之湯湯濟岳陽之洞庭觀其容液衍

裕蓋天地之委藏。必恠惚恍。數虬嶂嶸。豈世人敢指名哉。若乃雲臺震澤。淳梁合浦。獸潛宮亭。神見牛渚。直湘沅以南。浮懷涇渭而北。注傾導東而成滄浪。激西而為灩澦。延平誕奇。漢臯殊遇。率傳載之。雜出為異物之所。或設限於藩服。或效琛於王府。鑠高郵之經治。裂揚州之故部。有湖隸旁將三千所。大或萬頃。小亦千畝。迤灑兮聯絡。參錯兮駢布。由卑以自處。兮傾十數州之羨。沃穹山大野。谿谷原藪。晝夜走險。越千里而來。赴者莽不知其幾。千百處。壓東南之炭漫。勢膠瀉而無涯。魚則鯉鯉。鱗鱗。鱗鱗。鱗鱗。鳥則鷓鴣。鳧鷖。鷓鴣。鷓鴣。若煙海會如泥。沙蟲螺蠃。若蝦蛤。卉菱芡。而荷華木。不數舟陸無筭。車漑灌平民。田漕引乎國家。夾埭長陂。程水壤之固護。飭官命屬。厭功利之紛拏。迨夫地脉泉源。孰為

要避潛合陰附應淮海之隘研微

翻潤其甚耶其或

駭怒決溢隄防之所不加決

里農民播溺宛轉流

離而不相救又况其廬舍之

不麻噫是亦涉者之

觀矣瑰祥恢恠庶幾乎託焉以省吾書考圖編所陳者特盤瓠之微固不聞有把

詠乎川珍翱翔乎水邊爰有入漁子相語而來前曰先生之念者貨也若夫川

獨寶於天今此有夜光之珠於深淵我意其神先生辨旃其始也天和景晴湖波

息而無聲則是珠也氣將之若海月之升含彩吐耀周隅皆明呀絀石而為

芒吸沆瀣之精美不扶踈草露實兮紅青林鳥

警而移枝羣犬愕兮公是印人徐呼上流俱起撫

鴻量以先趨領曾筭之已。連微擬以灑網持柁嗟雖
鑑其眉睫疑未曉其機。此方詭置之漸張果造形而已
逝而况伏見廢時歎彼終。此與蛟龍之為朋曾風雨而
作衛彼能三足而在籟。鄭龜羹之異味効牛悅水。而黃奪澤馬翫繩而足躡犀
狎偶而解角翠因媒而折翅。江使被執於行役巨魚為
腊於貪餌文貝瑤瑁出。而其腸腹金莖玉英坐窮於淘
縋。縋縋胎寒熠燿自喜怵絕音於遐引適足殺其軀而
已矣。是故號數選者我固謂之貨也能不為珠之笑耶
予曰嗚呼噫嘻信子言也。既明且哲則大雅君子者耶
不常所居擇利害而去就者耶。用以晦明知在己者耶
色斯舉矣學孔子之徒者耶。滿泥塗而不辱不耻下賤
者耶。川不涸出而不枯右德鄉甲者耶。久而不聞其遜世

者耶。既而復曰嗚呼噫嘻照魏王之垂。亦耶燭隋侯之室
耶。謂上幣耶飾冠冕而佩耶。客有聞其亦變然而曰
嗚呼噫嘻吾聞諸石室之書曰王者但口之長有天下四
夷賓服然則得之者或非其心獨王者若之。心耶

煎茶賦

黃庭堅

淘淘乎如澗松之發清吹皓皓乎如春空之行自雲霄
主欲眠而同味水茗相投而不渾苦口利病解膠條皆
未嘗一日不放箸而策茗椀之勳者也。余嘗為瀾直瀾
茗因錄其滌煩破睡之功為之甲乙。建溪如劉鑿井如
震日鑄如鑿其餘苦則辛。薑甘則底。滯極酸寒胃令人
之睡亦未足與。或曰無甚高論敢問其次。浩翁曰味
江之羅山巖道之蒙頂黔陽之茶。滯高林瀘川之納溪
梅嶺夷陵之壓。中之火井不得已而去於三則六者

亦可酌兔褐之醪滄魚眼之鼎者也或曰寒中瘠
氣莫甚於茶或濟之鹽勺賊破家滑或走水又况鷄蘇
之與胡椒治翁於是酌岐雷之醪醴參伊聖之湯液前
附子如博投以熬葛僊之聖去藪而用鹽去橘而用姜
不奪若味而佐以草石之良所以固太倉而堅作疆於
是有胡桃松實菴摩鴨脚教質糜蕪水蘇甘菊既如臭
味亦厚賓客前四後四各用其一少則美多則惡發揮
其精神又益於咀嚼蓋大匠無可棄之材太平非一士
之畧厥初貪味雋永速化湯餅乃至中夜不眠耿耿既
作温齊殊可屢飲如以六經濟三尺法雖有除治與人
安樂賓至則煎去則就榻不游軒后之華胥則化莊周
之胡蝶

別友賦送季次翁

黃庭堅

曩聞義於孫李指尊選以見招惜予行之舒舒曰其夜
以爲朝予望道於堦垣見万物之富有恨逸駕之絕塵
又驟予以四牡哨車後之無策其四方乎索友仰雲飛
而注弋俯淵靚之沈鈞或一能之勝予忘日月之不予
謀或登吞舟之鱗或下垂天之翼手予弓而不釋恐斯
道之或息維廬江之四季三隱約於龍眠維若人之仕
蚤懷明月而運川歲庚午而會梁語聞道之大用吸江
漢以爲深累丘嶽以自重尾擊之而首應西犯之而東
抗棄旗鼓而不逐儼其陳之堂堂偉道軍之崇崛增懦
夫之激昂觀出日於東方維於食馬而不吝無肯綮以
自試居自喜於餘刃彼覆却之萬方期斯言之猶信水
渾渾而進舟風剌剌而侵裘恐事親之不勸則惟是之
同憂

臣邦彥頓首再拜曰自古受命之君多都於鎬京或在洛邑惟梁都於宣武號為東都所謂汴州也後周因之乃名為京周之叔世統微政缺天命流吻机歸我有宋民之戴 宋厥惟固哉奉迎鸞輿不汴而止是為東京 六聖傳繼保世滋大無內無外涵養如一含牙帶角莫不得所而此汴都高顯宏麗百差人所具億萬千世承學之臣弗能究宜無以為稱伊彼三國割據方隅區區之霸言餘事乏而三都之賦磊落可駭人對于令稱之矧皇居天府而有遺美可不愧哉謹拜手稽首獻賦曰

○發微子客游四方無所適從既倦遊延崎嶇遭廻造於中都觀土木之妙冠蓋之富煒燁煥爛心駭神悸睽聊而不敢進於是夷猶於通衢彷徨不知所屆適遭衍

流先生目而招之執其袂局局然嘆曰觀子之貌神采不定狀若失守豈非蔽席隱華未游乎廣廈誅草鉏棘未揮乎蘭設披褐挾蘊未曳乎紵縠微邦陋邑未覩乎雄藩大都者乎發微子嫣然有赧色曰臣翱翔乎天下東欲究扶桑西欲窮虞淵南欲盡反方北欲徹幽都所謂天子之都則未嘗歷焉今先生訊我誠有是也然觀先生類辯士其言似能碎崑崙而結滇渤鏤混沌而形罔象試移此辯原此汴都可乎臣固不敏謹願承教先生笑曰客知我哉於是申喙據牀虛徐而言曰噫子獨不聞之歟今天下混一四海為家令走絕徼地掩鬼區惟是日月所會陰陽之中據要總殊揭鑰制樞拱衛環周共安乘輿而此汴都禺畫為豫周封鄭地葡鱗臨而上直實流分以為次惟蓬澤之固境昔合縻之所至芒碭

渙渦截其面金隄玉渠累其脊雷夏灘沮繞其胸壘立
訾婁夾其腴梁周帝據而糜泝唐漢尹統而寧一故此
王國襲故不徙恢圻甸域尊崇天體司徒制其畿疆職
方辨其土地前千官而會朝後百族而為市分疆十同
提封萬井舟車之所輻輳方物之所灌輸宏基融而壯
址植九鼎立而四嶽位仰營城而體極立土圭而測畧蜀
險漢室荆或閩鄙推此中峙不首不尾限而不迫華而
不侈環睇賦於郡縣如岫巖之迤邐觀其高城萬雉埤
坻鱗接繚如長雲之方舒屹若崇山之礧礎坤靈因巖
屬而踞踏土怪畏榨壓而妥貼靡胥不可繼而登爵鼠
不可蜀而宀利過百二嶮渝四塞鄙秦人之踐華陋荆
州之却月損捷步與超足矧躡躡與蹙蹙關城為門二
十有九瓊扉塗丹金鏞鏤獸列兵連卒呵夜警書異物

不入詭邪必窵城中則右以東西之阡南北之陌其衢四
達其塗九軌車不理擊者一人不爭險易則駭崇期蕩夷
如砥雨畢而除糞夷蕪穢行者不馳而安步遺者惡拾
而恣棄跨虹梁以除病涉列佳木以安休惕殊異羊腸
之詰曲或踈蹶而折轄顧中國之闕闔叢貨贅而為市
議輕重以奠賈正行列而平肆竭五都之環富備九州
之貨賄何朝滿而夕除蓋以趨言醜而去價萃駟僮於五均
擾販夫於百隧次先後而異且叙遷有無而化滯抑彊賈
之乘時推素封之專利售無詭物陳無竄器欲商賈之
阜通廼有厘而不稅銷卓斷荷陶之殖貨禁乘堅策肥
之擬貴道無游食以無為矧敢婆娑而為戲其中則有安
邑之棗江陵之橘陳夏之棗齊魯之麻薑桂蓀藟絲帛
布縷鉛黃鮑鮑醃鹽支或居肆以鼓鑪索或鼓刀以

無得彈劾也於時則有絕世之巧凝神之技恍人耳目
使人忘疲是故宮旋室浮纒繼移也蛟螭蜿蜒千撓渡
也虺虎齧齧舟抵戲也星流電掣弄丸而揮劍也鷲悲
鳳鳴纖麗歌也鴻驚燕居綽約舞也雷霆雷動鈞天作
也牛舛馬駟駁群馬闖也轉轉轉萬車轍也滌天翳日
揚埃盪也抗山蕩海歡聲同而和氣浹也震委地而唬
罔象出較人而舞馮夷者潛靈幽怪助喜樂也若廼豐
廩貫會既多且富永豐萬盈廣儲折中順成富國星列
而基布其中則有元山之禾清流之稻中原之菽利高
之黍利下之稌有豐有芑有秬有秠千箱所運億廩所
露入既夥而委積食不給而紅腐如坻如京如崗如阜
野無菜色溝無捐瘠攬拾狼戾足以厭饑夫與寡婦備
凶旱之乏絕則有九年之預又將勳本而勸稼開帝籍

之千畝良農出業異物不覩播百穀而克敏應三時而
就緒踈罅鑿閘灌澆而淫孰任其力俟疆俸以千耦其
耘不怒自力踈邀其理狼莠不植奄觀堅早與與疑疑
溝塍蜿畦亘萬里而連繹醜惡不毛磽陿悉瘠化為好
時轉名不易惟彼汴水貫城為渠並洛而極昔在隋葉
禊丁大業欲為流連之樂行幸之游故鑿堽堽導水南抵
乎揚州生民力盡於畚鍤膏血與水而爭乎汴汴風觸徒見
於載籍玉骨已朽於高丘顧資治世以為利也今抗棧
而浮舟挑花候漲竹箭比駛洶湧滙澤風雨滂瀆指防
巖岸浩瀉迅邁匪江匪海而朝夕舞乎滂涯掀萬石之
巨艘比坳堂之一芥旋轉不時而相值篙師聽拱而俟
敗智者不敢睥睨而興作絲一禊而為害身積患切病
待聖人而後除耶厥有建議道河運洛引白禾之清源

塞孽華之渾濁變廣堤而終暴討直行而如
寄經炎涼而靡涸於是自淮而南邦國之出
所輸金穀財帛歲時常調船艦相衛千里
備官艘習船閩謳楚語風帆兩楫聯翩方
人安以舒國賦應節若夫連營百將帶甲
石動以千數其營則龍衛神勇飛山雄武
靖宣効吐渾金吾擲颺萬勝湯海廣備雲
蹶張力能挾軸投石超距索鐵伸鉤水執
是訓以鷓鴣魚麗之形格敵擊刺之法
徹札揮鉞擲鏃舉無虛發人則便捷器則
漆脂膠竹木以時取之器則棄惡弱則
船以為彈刺魚服以懷野百工備盡銛
鑿創其成鑿

鋼而張鑲植之霜凝而電爍故有撞衝勁弩雲梯輻車
脩鍛延縱銛戈允艾擊弱之弓肅慎之矢谿子之弩夫
差之甲龜蛇之旌鳥集之旗軍事蚤正用戒不虞其次
則有文昌之府分省為三列寺為九殊監為五左選為
文右選為武曰三十房二百餘寮二十四部黜隋之陋
更唐之故補弊完罅剔朽被蠹人駭地溥事若織組滋
廣莫治疊疊成蟲蠹弱不除將勝戕斧雖離婁之明目
迷簿書而莫覩豪胥倚文以鬻獄庸吏瘵官而受侮各
懷苟且以逃責孰肯長慮而却顧官有隱事國有遺利
紛訟牘於庭祀藝蠹囚於囹圄此浮彼沉甲可乙否操
私議而軋湯各矛盾而齟齬於是合千司之雜散儼星
羅於一字千梁負棟萬楹鎮楚誅喬松以為煤空奧山
而斲楮官有當負取雄材偉器者以充其數上維下制

前按後覆層層如長蛇扶其脊背而首尾皆赴闔戶而議
飛激乎房闈應答乎秦楚披荒榛而成徑繹繳縲而得
緒崇善廢醜平險除穢纖悉不遺乎一羽於是宣其成
式變亂易守者刑之所取貽之後昆求世作矩至若儒
宮千楹首善四方勾襟逢掖褒衣博帶盈仞乎其中士
之匿華鏹采者莫不拂巾袵褊彈冠結綬空巖穴之幽
邃出郡國之遐陋南金象豸文旌羽翮世所罕見者皆傾囊鼓
篋羅列而願售咸能湛冰乎道實沛然攻堅而大明先斯特也
皇帝博道術之沉潛窮苦心詰訓之荒繆諸子騰躡而相角群言
駘蕩而莫守黨同伐異此妍彼醜挈俗學之蕪穢詆淫辭而擊
培滅竄突之炎獨仰天之庭而覩晝同源共貫開天發部於是俊
髦並作賢才自厲造門昭圍而臻壹與騁辭源而馳辨術藝之
場仁義之藪溫風扇和儒林發秀宸眷優渥皇辭結糾榮名之

所作慶賞之所誘應感而格駒行雉响磨鈍為利培薄
為厚魁梧卓行擿終露穎不驅而自就復有珮玉之音
簞豆之容絃歌之設耳盈耳而溢目錯陳而交奏煥爛乎
唐虞之日雍容乎洙泗之一風謠百聖而再講曠千載而
復觀又有律學以議刑制弄學以窮九九舞象以道幼
稚樂德樂語以教世胄成材茂德隋所取而咸有若夫
會聖之宮是為原廟其制則版輸之所作其材則匠石
之所掄萬指舉築千夫運斤揮汗霏霧吁氣如雲鼔鼓
弗勝靡有詒勤赫赫大宇百若山踊而嶙峋下盤黃壚
上赴北辰紫珠廣寒黃帝之宮榮光休氣籠籠往來葱
蔥壽嶽而氣盈其內則檐檉檉題朱賢楹栢闕拱闈闈
屏宇閣閣聳聳張矯踞龍征虎蹲延樓跨空甬道接陳黝
聖備昭燦爛詭文菱阿芙蓉之流曼驚波迴連之翼咸

飛仙降真之縹緲翔鶴鷓鷯之窟活地必出奇土無藏
珍珠琳琅環璫璣瑤琨流黃丹沙琥珀翡翠垂棘之璧
照夜之蟻鵠象鬣角削犀削玉嵌刻雕鏤其妙無倫焜
煌煥赫璀璨輝映繁星有爛彤霞互照軒廡所繪功臣
碩輔書太常而銘鼎彝者環列而趨造龍章鳳姿瑰形
瑋貌文有伊周武有方召猶如蹇諤以立朝圖寧社稷
指斥利害踟躕四顧而不撓其殿則有天元太始皇武
儼極大定輝德熙文衍慶美成繼仁治隆之名重曠隆
準天日炳明 皇帝步送百寮拜迎九卿三公挾輔扶
衡儀仗衛士真郭溢城于時黔首颺集百作皆停地震
嶽移波翻海傾足不得旋耳不得聽神既安止窮閭微
巷惟聞咨嗟嘆異之聲於是山壘房俎犧樽竹筐踐列
於兩楹鼓鼙史陳辭宰祝行牲案芻豢之肥臞視物色之

初解登降裸獻百禮具成至於天運載周甲子新曆受
朝萬方大慶新闢于時再鼓鼙絕按稍收鐃儼三衛與
五仗森戈矛與戈戟探平明而傳點趣校尉而唱籍千
官驚列以就次然後奏中嚴外辨也撞黃鍾以啓樂合
羽扇以如翼欲飛道駕以臨座千牛環帝而屏息爐烟
既升寶符莫瑞聆乾安之妙音仰天顏而可覲羗夷束
髮而蹈舞象胥通隔而傳譯言表章以上聞奏靈物之
充斥羣臣迺進萬年之觴上南山之壽太尉升奠尚食
酌酒樂有嘉禾靈芝和安慶雲舞有天下大定盛德升
聞飲食衍衍燔炙芬芬威儀孔攝而中度笑語不譁而
有文故無族譚錯立之洞衆輿廣布武之紛紜蓋天子
以四海爲宅有百姓而善羣廷內不洒掃而行禮則天
下雲擾而絲琴故受玉而情知晉惠之將卒執幣以敬

知若教之不存聞樂而走者為金奏之下作雖美不食者為犧象之出門賦湛露彤弓而武子不敢吞奏肆夏大明而穆子不敢聞蓋禮樂之一缺則示亂而昭昏是以宣王享士貴以殺羔而刑三晉之法高祖因叔孫之制而知為帝之尊豈治朝之禮物尚或展翳而沉湮此所以舉墜典而定彝倫者也其樂則有成池承雲九韶六英采齊肆夏簫韶九成神農之瑟伏羲之琴偃氏之鍾無句之磬鏗鏗鏗鏗和氣薰蒸于以致祖考之格于以廣先王之聲昔王道既弱淳風變澆樂器遭鄭衛而毀矇瞽適秦楚而逃朝廷慢金石之雅正諸侯受歌管之教曹文侯聽滂聲而怠倦相公受齊樂而輟朝季子始無譏於郇仲丘迺忘味於韶故使制度無考中聲浸消非細則擗非庫則高惟令也求器得耕野之尺次律

有若是歟意者先生快意於吻舌而及此耶先生曰國家之盛焉可究悉雖有注河之辯折角之口終日危坐抵掌而譚猶不能斷其萬匹特沐都之公治迹耳子亦知夫所以守此沐都之術古昔之所以興亡者乎客曰願聞之先生曰繫止寰宇代袂代廣更張更弛黃帝都承鹿而是為幽州小昊都窮桑迺今魯地伏羲都陳帝舉都亳堯都平陽禹都若吳天而授人時舜都蒲阪颺觀羣后而輯五瑞公劉處豳而兆王業之所始太王徙邠者以避狄人之所利文王作鄆方蒙難而稱仁武王治錫復戎衣而致又蓋周有天下二百餘年而刑措不用反其衰也亦二百餘年而五伯更起星離且割各據毅兵以專列疆漢賜燕於弱國不領人君之經費天下日蹙而日裂中國所有者無幾當時推諱為上雖雄相楚

孰有長距孰有利藟兵孰先選糧孰夙峙孰有橋關之
卒孰有憑軾之士孰有素德孰有西僑孰欲報惠孰欲
雪耻或奉下邑以賂讎或率連城而易器散骨布野介
甬生穢肘血沿輪馬鞍銷髀孰成首格國墟人鬼意彼
土宇凡幾吞而幾奪幾完而幾弛表亦中形勢之國加兵
諸侯如高屋之建瓴水神阜天邑以先得者為上計其
他或左據函谷右界褒斜號為百二之都東有成皋西
有崤澠定為王者之里以至置春味之俠客與泗上之
健吏扼襟控咽屏藩表裏名城池為金湯役諸侯為奴
隸拓境斥地懸轡荒谷東包蟠木西卷流沙北繞幽陵
南裹交趾砥後席治滋亦秦心兵無後或慢守以啓戎或
朋淫而招宄構調無孰矣而垂竭游後不時而就豈虛令
日縱而不緝驚駭觀而驚值唯此則以覆尸而流血榆

有聽鳳之簫或灑或離或藪或鑿或鑿或鑿或鑿或鑿
衆器俱舉八音孔調鸞鳴離丹穴而來生樂鳴嗃嗃而舞
備攜又有寶掖巴渝之舞僕佻狄鞮之倡遠人面內而
進技踰山海而梯航故納之廟者周公所以庶魯觀之
庭者安帝所以喜其來王若其四方之珍以時修職取
竭天產發窮人迹砥其遠邇陳之藝極厥材竹木厥貨
龜貝厥幣錦繡厥服絺絺絺絺絺絺絺絺絺絺絺絺絺絺
象物貢所出器貢金錫礪砥磐若丹鈔松怪石惟金三品
惟士五色泗濱浮蒼羽賦夏翟龍馬千里神茅三脊方
箱隋葉華東中殿陸豐苜蓿置亟傳平騎驛連橋結軌
川咽塗塞耶飲終歲而不息至於羗氏焚翟倍耳雕脚
獸居鳥語之國皆望日而趨累載而至懷名琛拽馴獸
以致於闕下者矣

瑤軒靈草珠寶鑑洞瞻神犀照蒲山經所不記齊國所
不覩者如糞其如壤於積乎內府或致口難於越也或得巨
熬於西旅其威靈之遐暢孰能出瑰奇於深明蓋德外
能率夾種來以修好則中土當有聖人出而寧宇然皇
帝不寶遠物不尚殊觀抵金於嶺巖之山沉玉於五湖
之川洞別之劍迺入騎士之山朝齧郊之馬或服鼓車之
轆至於乾象表貺坤維為社靈物仍降嘉生屢起量適背
鑄垂蜺抱珥鳴星隕石怪鱗變氣垂白鮫背者不知有
之况能言孺倪豈獨此而已也復有宮龜負圖龍馬載文
汾陽之鼎函德之其肉角之獸簫韶其之禽同穎之禾旅
生之穀游郊極庭充畦冒時非煙非雲蕭索輪困映帶
乎闕角葱蔚乎城壘鷲鳥不攫猛獸不噬應圖合謀窮
祥極瑞史不絕書歲有可紀發微子於是言曰國家之

悅則結纓而佩綬粉墨雜糅賢才逆或腫微駘而竊
肉食賊臣迴穴而圖大器郡國制節侯伯方軌或為大
尾而不掉或為重龍而履躡室有丹楹城有百雉朝拜
無用於揚燎冠冕不机於執贄天維披裂地軸抗抗羣
生羸羸而殄瘁雖有城池周以鄧林縈以天漢曳輦可
以陟崇嶽設附可以濟深澗水故武侯浮西河而下自哆
其地而進戒於吳起蓋批政肆於廟堂之上則敵國起
於蕭牆之裏奚問左孟明而右大行左洞庭而右彭蠡
發微子曰天命有德主此四方如輻之拱轂如桶之會
極其結鞶者天與之旨其闢而者天與之亡且非易之
所能壞亦非險之所能藏非愚之所能弱亦非賢之所
能彊故將吞楚也白地首出於大澤將繼劉也雄雉先
雉於南陽龍禁出積而乘其德亡周之語葶收襲門而

天帝貽刑號之殃人力地利信不能假植而支仆而皆
聽乎彼蒼故鯨鯢勦解決一死於吻血兕虎闐闐踐躓
嶽為平崗蹂生靈如罔塊幾天下如劫糠其敗也抉目
而折骨其成也頂冕而垂裳由此觀之土地足以均沛
澤而施靈光而已易險非所較賢否亦未可議也先生
曰以易險非所較者固已乖矣以賢否非議者烏乎可
哉客不聞王公設險以守其國有德則昌者乎地欲得
險勢欲參德迫隘卑陋則無以容萬乘之扈從供百司
之廩餼據偏守隅則無以限四方之工貝職平道理之遠
邇撫原申區割宅製里走入極而卒走正南面而負宸
宰天下於康達力士體而不敢取貪夫汗縮不敢視
者恃德之險也襟淮而終南太華之四背負清渭濁河之
注溢人之吭而附人之脊一日有六及而萬卒立具然而

布衣可以窺隙而試勇匹
之衍沃適為人而保聚此
後為神造之域天設之阻
汴都百嘉所毓前無湍激
石洞孤飛句竄凌深之岩谷
甲士徒之須好賜匪頌之
天子奉養羣臣稍廩之費
國門而取足甲不解屨勞
幕抗旌西襲而旃駉蟻伏
菹醢而修睦解編髮而頂
蹶躅而取禍者折簡呼之
鐵之外向死士逡巡而莫
家壘伊昔天下帖危王猷
天可以爭衡而號呼彼天府
以地為險者也地嚴德暢然
人哉 炎宋帝眷所瞻而此
旋淵呂梁之絕流後無太行
豐樂和易殊異四方之俗兵
用廟郊社稷百神之祀
以至五穀六牲魚鼈鳥獸闔
不離鞬乘鉞匈奴而單于奔
南夷散徒黨而入質朝鮮畏
文弁削左袵而曳華服逆節
而就戮耽耽帝居如森銳利
觸仁風冒於海隅頌聲溢乎
失度皇綱解紐肆封當路帝

懷寶曆未知所付可受方
國莫越 藝祖圖緯協期謳
諱肩儒赤子雲望而風靡
英雄益趨而蠅附玉帛駭奔
奮勇國 覺冤充譽寰宇絕塞稅
德蒐聞過幸髮櫛禾耨子携
搃神威有此萬旅奕世載
銳觚角之磬刻制撻搶而牧
雅哺擊菓赫德拔惡監媼
稱量纖鉅鎡鎡奏廟之金玉
圍爰暨 皇帝粉飾朴質
密財本豐阜刑罰糾虔布施
繁繁夾楹之簠盞訓典器
願藏之賞草竊還業而斂迹
優裕田有願耕之農市有
運千百為群肩輿載前卻
大道四通而不戲車績馬
采聞歌慶而告瘡雖立墳為
而後阻搏壤歌等者萬井
此汴都者乎抑又有天下之
界其誰敢擗膊以批揮况
宋之初營是都也上睇天時
壯客未嘗覩其輿也且
聖智建以皇極基以賢傑限
下度地制中應人欲測以

以法士坦以大師昇以六邦扞以公侯城以宗子以義
為路以禮為門鍵鑰以地闡以權掃除以政周累以
恩延立室家以安吾君有庭其相社稷臣也有挺其搆
眾材會也有闡孔張通厥明也有崑崙孔陽達厥聰也其
繼如衡前有憑也其壁如削後有據也其陛則崇止陵
意也其極則隆帝居中也邑都既周宮室既成於是上
意自足延駕六龍乘德輿光警蹕由黃道馳騁乎書材
下觀乎學海百姓欣躍莫不從屬車之塵而前邁妙技
皆作見者瞻碎延使力士提挈乎陰陽轉旋乎剛柔應
乎成器方圓微碩或粉或由隨意所裁上方咀嚼乎道
宗樹乎聖澤而意猶未快又欲浮槎而上窮日月之
盈具尋天潢之流泓操執北斗之柄按行二十八星之
公奪雷公之抱收風伯之轡一瞬之間而甘澤霽霽因

字善於幽獄敷景雲而照窮統攝陰機與帝唯諾而無
闕如此淫樂者十有七年疲而不止諫而不改吾不知
天子之用心但聞夫童子之歌曰孰爲我已孰釐我載
送送九有莫知其界客起規規然驚拳拳然謝曰非先
生無以刮吾之蒙藥吾之贖臣不能究 皇帝之盛德
謹再拜而退

宋文鑑卷第七

